



伏敵堂詩錄卷十一

乙卯

訓陳子雲

汝枚

賊邊梅柳又春回，悵望江南眼漫開。  
老我旅窻愁裏坐，感君詩句雨中來。  
兵塵滿地逃遊客，宦海何人識俊才。  
不用鬪誇詞筆健，更吟鄉思使心哀。

送儒欽歸里

無可留君便送君，客中人事易離羣。  
一年幻境空殘夢，千里閒身逐去雲。  
梨嶺雨餘山似畫，桐江風起水成文。  
伏敵堂詩錄 卷十一  
歸途領略佳山水，除是詩情不足云。

送儒欽後東小湖

客去書齋在，主人空復情。  
百年虛後會，千里此孤行。  
野店欺吳語，山郵闕戎兵。  
好憑故鄉月，一路早相迎。

同少香雪樵兩丈讌集林子魚書齋即席賦呈時

少香丈已定歸計

休將醒眼看乾坤，孤負芳春酒一尊。  
不值公卿惟此席，適從杖履到閒門。  
空庭寂歷風花晚，晴日徘徊語笑溫。  
獨恐洪塘春水綠，江淹將爲別銷魂。

國朝  
長洲江  
清  
吳  
天懷  
八  
書



送少香丈歸里

一年爲官十年客客歸亂後頭先白可堪回首太平時  
曾是欲歸歸不得江湖滿地正烽煙聞道君家無薄田  
教子藏書傳著作相思他日憶今年

重送少香丈

福州能着幾詩人漫喜先生作寓隣後會復難今日約  
獨留并送客中春江湖身賤空憂世文字交深好話貧  
別後干戈如不阻須憑手札慰情親

送徐樹人先生

宗幹

入覲

伏敵堂詩錄

卷十一

二

古例難援借寇恂攀韓長切海邦人久將碩畫孚 宸  
算今見崇班待盡臣送別復看文士集愛才真與古風  
親朝還若遇彭夫子爲話江郎迹更淪

彭表丈見懷近況

敢以一身計恩公憂 國心斯時勞見憶於我感尤深  
江海連年戰雲山獨客吟寄懷憑夢去 京闕夜沉沉  
前小湖按試興化愧不能從爲一詩奉寄

清絕觀風使曾容兩載親意中應識我文外不如人遂  
有津亭別猶同海國春舊遊題壁在見爲拂流塵

東雪樵丈

官只爲身累知君未易休長吟懷故里入夢有扁舟自  
不儕流俗真宜任去留升沉得失外遙見酒家樓

送客至洪山橋有作

思歸歸未得枉自到津頭坐看相知去獨緣何事留安  
能人送我卽與客同舟愁外江潮到平添水似愁

送客又作

羈心愁送客況乃送鄉人許到家園後爲傳消息真風  
塵逃樂土江海愧閒身有夢隨君去村農與結鄰

伏敵堂詩錄

卷十一

三

月中

見月家人應夢遠月中我亦夢家人夢來夢往愁兼別  
月缺月圓秋復春天地相容還易老干戈不息總驚貧  
何如草木生鄉土長得無情養性真

熱

何能重把蓋憂亦旣醺人旱勢經兵後炎方入夏新不  
應天作虐復與亂相循暗盡憑高眼南風獨起塵

月

月輪仍出海借得日之光正使成清夜何堪照旱荒田



便與時賢渾莫識更誰禁我隱蒿萊

他鄉

等是填溝壑他鄉與故鄉居夷從道廢爲客歷年長天  
固難相問生應是不祥少時有懷抱此日莫思量

聞雪樵丈將之建甯縣作此奉東

有山一千里一路贈君行此亦庸非福人原最忌名吾  
儕窮老易世局亂離成羈旅還爲別平生空復情

送雪樵丈之建陽

厭居都會思巖壑因喜聞君去建州是處溪山猶樂土

伏敵堂詩錄

卷十

五

隨時風月抵佳遊追從今我身方滯造訪來年願或酬  
且着谿船作郵驛寄詩時趁水東流

南臺酒家題壁

忽忽青春客裏休半生贏得一生愁與人會飲從沉醉  
是處無家且浪遊海氣夜迷燈火市江風涼入管絃秋  
不知一枕羈人夢更上誰家舊酒樓

明日晚歸同前韻又作

猶懸玉篴傍簾鈎昨夕芳筵昨已收一晌眼前驚聚散  
百年身外漫風流夕陽也似人殘醉暮鳥能嘲客夜遊

歸後泯然誰是我卻留名姓與青樓

得良山書以詩代柬爲答

我兄學大進規我我知之立腳時隨俗矜心輒入詩藝  
能妨理道言行半純疵所願歸相就深談自得師

不笑七月二十日卽事

聘妾來空廡當秋典徹裘知添身外累且伴客中愁老  
矣心何託懷哉歸末由江南有思婦望我正登樓

夜思

通詞一若早通情六曲屏邊記目成芳訊乍傳心欸欸

伏敵堂詩錄

卷十一

六

秋期猶隔水盈盈世間第一人難合天上初三月又生  
深巷重門空閉鎖不妨先着夢相迎

楊豫庭

叔憚

子恂

仲愉  
林子魚廉叔

秉漢

兩昆仲

梁禮堂同過敝寓見賀新納姬人

不笑先生客次貧同來南社五詩人羈情未了三年夢  
寒寓初回一日春看灑新詞寵粧閣愧無旨酒醉嘉賓  
更思江上桃根女何福能消此段因

自喻

再滯蠻方再見秋天將催白客中頭殘生惡夢兵戈側



便作文人亦且休

登之將歸特來話別有作爲贈

十載論交竟若何  
羈孤身世喜無訛  
能將吾道推求盡  
未厭人情閱歷多  
知作吏難親正學  
欲娛親老養天和  
兩年晨夕無窮意  
他日懷余在磻阿

新城陳石士先生遺像其僕皮福索題

不識陳宗伯予生晚  
廿年風流原老輩  
文字見遺編有  
僕懷其主居官想更賢  
披圖雖默對猶勝俗人前

生日

伏敬堂詩錄

卷十

七

遊子祇今已半生  
重逢生日越王城  
欲拋書策徑歸去  
可奈谿山不放行  
投筆何年親耒耜  
臨文無夢到科名  
此情賸與姬人說  
只是情多說不明

中秋後對月有作

客心炯炯對窮秋  
說與青天月也愁  
骨肉情多空入夢  
亂離詠盡罷登樓  
不知身得歸何日  
且譬生來居此州  
月若有情應許我  
他年只照故鄉遊

子魚落解後見過

我觀士以文應舉  
正如六博之一投  
爲梟爲盧又爲雉

其間倖勝非德優勝者之喜敗者愁則如力農歲不收  
賈人折閱商滯留少婦見逐還家羞自隋唐來歲千周  
科舉積弊人心偷孰王張是非人謀疑是造物特好弄  
假於世主籠時流使俗擾擾如蜉蝣有天民者與天侔  
曠代獨立無朋儔我欲從之空山陬君胡挽我話許事  
吾言醉矣將招尤

送子魚之建陽又寄懷雪樵丈二首

一廬想作建州氓爲愛谿山處處清  
昨夜月中飛夢到今朝愁外送君行  
武夷仙境遙通楫朱子儒門近在城  
伏敵堂詩錄

卷十一

八

此去尋詩詩更好并將風月入閒評

山中古縣碧谿環正憶詩翁巖壑間  
坐擁眾峯聊得傲醉吟千首未應閒  
別離幾日秋風緊牢落無徒客意孱  
亦擬相從退衙處舉尊遍酌建陽山

山中

天下關心事山中袖手看了知  
成棄物何得尙儒冠覽史今猶古  
當歌慘不歡西風開晚菊又作客邊寒

重懷艮山

論學規余莫作文旨哉此語未前聞  
百年所幸生同世



千里何辭日憶君，欲締交親如骨肉。早憑書札致殷勤，  
客中閉戶年時晚。又悵江東日暮雲。

寄彭表丈四首

許國誠爲本艱難，况邇年惟公持一德。契玉邁羣賢匡  
濟功無近，評謨道已全。笑顏如昨日，今見畫凌煙。  
昔侍軒軒暇，窺公志意深。權衡經世術，饑渴愛才心。此  
日登台輔，平生洞古今。時哉功業就，額手寄長吟。

公此應憐我，華年誤遠遊。驛烽驚客夢，嶺石阻歸舟。

聖世偏容逸，皇天獨賦愁。夙蒙期許意，一付水東流。

伏敵堂詩錄

卷十一

九

且望提携便生涯，逮養親由來負米。役畝困讀書人黃  
閣，存知契青山。洽隱淪，惟思傳一集，聊慰百年身。

家書二首

平生讀書五萬卷，千言灑灑生豪端。獨寫家書輒闕筆，  
幾回磨墨墨自乾。家書不求文字好，但說客情從草草。  
客情無奈說不了，又恐家人不全曉。一日寫一紙，積日  
成百行。百行寫完自封訖，終覺情長紙短心茫茫。封書  
未寄來，書忽來來書要覆封。書復開，又寫兩紙囑家事。  
坐看燈花落盡生煤哀，燈花落盡生煤哀。此時眠去作

歸夢夢與家人相見迴吁嗟乎百回書到家不如身一  
歸夢歸豈是身歸得羈客此時心自哀

自寄一封書又見月生魄此心時逐寄書人千里長途  
行歷歷計日今朝書到家家中正在思天涯敲門不是  
遊子至便得百書猶怨嗟憶我少長爲遠遊每遊輒羈  
三四秋弟婚妹笄親白頭別離歲月隨東流歸翻如客  
不久留十餘年間五千日四千日在他鄉愁我愁他鄉  
猶自可家有老親愁及我冬日短北風作寒夜長布衾  
薄念我此時客懷惡安得歸種田田家雖作苦卒歲多  
伏菽堂詩錄

卷十一

十

歡顏彼其生來不識別離字終老只傍柴門邊吁嗟吾  
生浪自賢求田不得空年年長作家書長自憐

小湖以詩見問戲答一首

江子喜作詩李子辱問之有問無不答率爾陳其詞詞  
曰詩者情而已情不足者乃說理理又不足徵典故雖  
得佳篇非正體一切文字皆貴真真情作詩感得人後  
人有情亦被感我情那不傳千春君詩恐是情不深真  
氣隔塞勞苦吟何如學我作淺語一使老嫗皆知音讀  
上句時下句曉讀到全篇全了了卻仍百讀不生厭使



人難學方見寶此種詩以人合天天機到得寫一篇寫  
時卻憶學時苦寒窗燈火二十年二十年學一日悟乃  
得真境忘蹠筌江子說詩未云足李子掉頭不心服曰  
君之詩欠官樣只是山歌與村曲讓君獨吟在空谷

小湖來告別

獨弗從君去從君昔歲來囊空遊子滯秩滿使臣回魏  
闕躋多士窮山竄不才前途須遠送後日莫追陪

三絕句

空齋饑鼠噉陳編鬪暴聲尤攪客眠猶厭貓來添食口

伏敵堂詩錄

卷十

十一

昨聞石米七千錢

新詩寄我有符翁并贈朱提愧所蒙欲送酒家謀一醉

小妻偏說飯籬空

主人醉我此華筵物物評量到酒邊莫笑先生談口腹

不啻鄉味又三年

東小湖

有序

小湖入

覲有日旋奉

去旨視學江蘇滬蘇人也少

嘗有當世之志名在蘇之郡學既三應鄉舉不遇今  
病矣不復自振明年屆試期當以遊學自解實不敢

援朋友之愛濫竊品題此區區所守惟知已諒其非  
矯耳又去冬倦於襄披辭去幕席今亦不能勉從蓋  
積勞既久而性之疏懶者然也因作一詩奉柬聊以

道意卽贈別云

吾鄉昔有彭甘亭白頭坐困一監生有人合出我門下

卻棄鄉舉逃時名

甘亭以監生應鄉舉有相知者典試江南密寄文訣甘亭不入場而返

又有詩人黃仲則作客英年好遊歷笥河學士渴愛才

挽袖留之留不得

朱笥河學士視學安徽延仲則襄披仲則與同事者不合買舟徑去笥河

遣人追之不及

吾生不能學古人聊學二子全吾真窮無意氣

伏敵堂詩錄

卷十

十一

慕榮達病厭奔走甘沉淪向來與君相識新此意今在  
臨歧陳青山一路冬入春畫船插幟寒溪濱君行我任  
隱顯異他日惟堪交以神

送小湖有作

曾託知交總有情敢忘久敬負平生他時縱不還投刺  
此日還須一送行我只向來真面目君休看作傲公卿  
等閒一揖洪塘上又見寒山縱復橫

王叔蘭見過有作戲贈

王子困在家方願旅食遊天涯江子天涯久旅食願得



歸家貧亦適因勸王子且安命骨肉團圞猶可虞嗟我  
思家愁欲絕好忍饑寒莫離別王子曰不然人間難忍  
惟饑寒離別豈無一日了饑寒困人直送老暫將離別  
救饑寒骨肉他年庶長保我曰離別愁殺人饑寒雖切  
獨苦身況如我已離別久豈救饑寒一二分不救饑寒  
悔離別尙未離別方羨君江子與王子語意甚相左其  
實此二端人生無一可居則饑寒出離別正如前有刀  
兵後水火饑寒之刀兵離別之水火同時并力攻一身  
可憐王子行如我窻扉忽開寒風北來冷齋夜語不銜

伏敵堂詩錄

卷十一

十三

酒杯二子此時愁徘徊安得鬼神暗爲輸橫財窖金出  
地如山堆療君饑寒止其出免我離別資之歸卽焚此  
詩勿傳世恐使窮士讀者生心哀

隣火

書齋何處紅雲來火勢已撲隣牆摧天公忌我此其驗  
方與吾文鬪光燄聖經尙被秦人燒吾文召災偏倖逃  
可憐無罪五十石一片人聲哭焦土

述夢寄元潔

夢與屠元飲走謁潘先生途遇楊元潔遂作三人行元

妙觀西路一直復一橫轉過臨頓里乃造先生庭有客  
先在座野貌矍而清見我莞爾笑曰惟沈秋卿先生動  
顏色喜此四客并四客留一齋不記齋何名壁懸彥冲  
畫寒林仿李成先生指謂我此子吾心傾頓嘗約其來  
當聞敲門聲果然彥冲至俄聞晨雞鳴雞鳴夢斯覺感  
逝心怦怦嗚呼夢五友四作空山塋秋卿與彥冲均死  
歲在丁潘先生繼歿壬子之嘉平其明年癸丑元飲又  
入冥痛此十年來故里凋賢英惟一元潔在自老蘇州  
城苑者不可作生者含離情我今垂四十久客身飄零  
伏敵堂詩錄

卷十一

古

早衰驗齒髮膝下無孩嬰感傷朋友事難獨登遐齡人  
生處宙合七尺非真形脩短均一死身外空求營因詩  
告元潔歸不須田耕



伏敵堂詩錄卷十二

丙辰 長洲江一混叟叔甫

元日題兩絕句

回頭三十七元日愁看風塵憶太平欲叩蒼茫真宰意

將何世局着微生

苦恨金陵形勢強賊來逃死更披猖江南半壁 皇朝

地遊子三年望故鄉

安得

安得山深一萬重綠雲更佳最高峰草衣木食苟得活

伏敵堂詩錄

卷士 一 牧叟樵童隨所從不爾揚帆絕滄海一逢窮島竄孤蹤

更休回看人間世萬派驚波滾毒龍

雨裏

關心何許事清坐起長嗟剩有移山嶽還堪鎮 國家

才無出世者命果在天耶雨裏銜泥燕紛飛晚更斜

回前弔王叔蘭二首

我此未歸日須君話客愁貧交原不泛委巷獨相求午

病夫何劇奇窮忽自休羈身餘涕淚一看殮黔婁

死去真埋滅生猶人弗知孤心長閉戶樸學少逢時便

永中年壽難營八口費他方更兵革吾道復何之

五月二十日生一女

中年心跡兩沉淪只望生兒救晚貧得女他時翻是累  
今生何事更如人直愁詩卷無藏處莫論飢驅不貸身  
一段淒涼客中意封書還去惱衰親

酬蔣英亭

如洛

洲里聞名雅見知更蒙賞我少年詩卻從亂後他鄉遇  
相對愁中夜雨時貧賤謀身同計左文章報國恨生遲  
平居懷抱休休說明日薰風熟荔枝

伏波堂詩錄

卷上

近憶二首

時撫州已陷數月

近憶臨川劉主事今年消息不曾來歸田孝養厥老母  
賊亦憐他至性哉

復憶詩翁陳少香失官窮老乍還鄉可憐有子未五尺  
避寇提攜道路長

今吳生

求題小像

補卷無嫌其結論不貧良

回首吾生弱冠前丰神同此畫中妍  
祇今四十明朝近愁看人間好少年

近情二首寄雪樵丈



荔子紅時日影長竹牀倦枕午風涼此心已逐征帆動  
紈袴儒冠不校量

昨宵夢過建陽城萬里西風送我行醒覺此中宜小住  
一樽臨別話詩情

雨夜

空齋鳴夜雨點點滴歸心家事三年隔鬢鄉七月陰谿  
應添漲水船得載秋吟爲語愁邊髮毋將白見侵

去福州留別吳生

吳生校

戎馬羊天下吁哉今何時腐儒非健卒乃欲縱橫馳念

伏敵堂詩錄

卷上

三

我此留滯瞥見三寒曦邊方隔時事百慮消人肌有生  
踐王土蹈海非所期誠無濟時分尙取投身宜飄飄東  
去雲過嶺夫何遲人情重離別方與知交辭

二子從我學已共三年居頗知古儒業不在空讀書此  
別雖可料路有三千餘兵戈或阻塞書訊猶將虛殷勤  
幾晨夕惜別愁須臾會難鑒誠篤亦欲留區區男兒未  
三十精氣耐久劬競時植學本適用爲世須臨分空語  
盡用世還愁予

憶雪樵丈

可惜才人老重經世患侵一官難吐氣衆口絕傷心酒  
合從朝飲詩休對客吟前途因敘別爲爾說山林

洪山橋待發

江神見我亦相輕不遣南風一送行兩岸山看空靄合  
一篙水有暗潮生去來身弗干時事冷暖心還識物情  
不是新豐舊豪客也須斗酒待孤傾

大閩清渡口

水沒牽船路風欺撥棹人江流四處急山翠溼時新此  
處近通市昔來勞問津飛飛雙白鷺信我倦遊真

伏敵堂詩錄

卷十

四

舟雨

隔嶺山嵐氣飛來頃未多忽看雲載雨旋聽水跳波晚  
色天低笠寒聲風在篔簹師莫嗟怨替爾作勞歌

雨後谿水暴漲逆流行三十里得詩

一天雲挾衆峰浮雲際風生雨卻收谿面漲餘三丈水  
船頭高並半山樓不知吾道欲安濟但見漁翁來順流  
沒盡前灘無復石篙聲方打石之頭

上灘二首

怒水紛搏石危檣側上灘進牽千斛重爭險一篙難蛟



鰥偵人出心魂作夢看十年凡幾過爲謝舊煙巒  
山勢依船轉灘聲復我迎衝波同過敵穿石抵偷營險  
出江湖外愁兼風雨生平瀾蕩柔艣好憶故鄉行  
八月十四日舟中題  
歸途仍是客生日又思親極望天邊眼遙慚牖下人患  
應緣識字晚乃慕垂綸一片相迎月還家合照貧

舟中贈阿福

小女生福州名之曰阿福阿福在娠時震動母左腹占  
之得乾象成男盼嗣續不知五月姤卦氣一陰復忽吹  
伏敵堂詩錄卷主

五

雌風來啼聲出茵褥稍喜母不驚孕久血氣足脫下紫  
胞衣正如雛出殼我命母食之負以一女僕非男謝矜  
寵慰情聊撫育彌月哺來肥肌雪面如玉試以一聲笑  
啞然妙知覺是時羣盜熾郡縣幾傾覆驛遞得家書江  
鄉戰鋒鋌永念雙白頭避兵混農牧當暑取速行及秋  
訪茅屋遂抱阿福歸篋篷轉溪曲朝經竹崎關暮抵困  
溪宿困溪水嗚咽雜我小兒哭月落篷窓昏照眠接短  
燭渠母亦解事藉兒裘半幅臥護燥溼間偃仄手恐觸  
頤之復驚啼索乳至天旭舟中絕人事俗物不到目時

置懷中嬉摩弄日親熟四十明年來我生尙隱伏呱呱  
予弟子用世此難卜風雲氣何如兒女情方篤聊贈阿  
福詩他時堦能讀

重贈阿福二首

骨肉緣生愛非徒客裏情況渠爲長女何得賤旁生一  
笑歸家樂雙瞳肖我清他年早遣嫁不用堦公卿  
繡祿歸裝外生來兩月強幾時胎髮燥宿世口脂香乳  
處不知父懷中仍惱孃到家王母惜啼盡道途長

霽宵

伏敵堂詩錄

卷上

六

江南盜爲宅兵氣猶上干霽宵看乾象金星如彈丸書  
生爾何狂不自謀飢寒憂時搔旅鬢烈氣衝儒冠欲獻  
十二策平賊消兵端不能去遼東便作管幼安青天誅  
蕩蕩秋夜長漫漫毋將白露下涼我心與肝  
詠阿福  
珍惜嬌嬰怯沂谿石鳴船處急提攜天全卻不知驚恐  
惟到飢時始自啼

道中卽景

山北雷催雨山南谷進風留晴雲故白侵溼日猶紅只



此生秋氣從何識化工回頭渡溪處影落一長虹

至延平復取山程登輿有作

半月驚灘裏他時夢亦驚并愁到家滯迴作入山行嶺  
腹雲藏去巖根水截平登高開眼界稍遣半塗情

蔡姬詩

建安縣民家蔡姬年百有四歲見元孫矣而聰明不  
衰余攜小女過其門老人喜爲提抱爲賦一詩

世間男壽不如女男非殉利卽殉名女壽百歲亦難得  
蔡姬今有百四齡建州山清土俗厚民婦抱德淑且貞  
伏敵堂詩錄

卷上

七

山居寡營易生計足一百年看太平試觀慈眼合佛相  
頭面亦殊他婦形雞皮鶴髮自精彩口無含齒音猶清  
曾孫之子走遶膝一家五代多男丁我持小女向之拜  
以手接抱憐其嬰祝嬰他日壽如己老人多壽還多情  
我情豈暇壽我女自傷久客違親庭今年老母正六十  
劬勞宿疾中年生焉能形體若此固與父偕壽無虧盈  
人間封誥何足取空有珮服垂珠纓願將姬壽祝我母  
歸家先製斑衣成

甌甯道中歎所見

縣遠無來吏山窮有去津且須搜土賊乃樂賽村神簫  
鼓淫聲會兒童炫服新憑誰曉浮俗保作太平民

建陽城南面谿山之勝僧思仁結樓城上余十年

五過此城未之到也因思仁索詩留題四韻

青山對面一城樓樓上僧來坐十秋俯檻夜呼溪月出  
下牀朝看嶺雲浮可憐清景買無價不報詩翁來上頭  
遲我他年重到此借君蒲褐萬緣休

晤雪樵丈談次有作

大江左右兩詩人傲物非真懶是真出處都難容我輩  
伏敵堂詩錄 卷五 八  
文章各已累終身分從亂後相看老不博閒中自在貧  
他日更爲關塞隔相思浩蕩寄煙春

贈祝蓮旭 銓

亂時偏作合相遇建陽城道貌一何粹少言彌近情吾  
方滯行色天只老秋晴賴得君談笑塵心故不生

建陽旅夜

兵塵千里客踪孤建水留人緩去異尙幸賊邊存老友  
不知詩外盡窮途涼宵秋霽三更月古堞寒啼一夜烏  
便道先生壯心在明朝青鏡笑頭顱



留別雪樵丈

士窮君更老，世亂局方新。不了當官事，難爲負氣人。浮雲終過眼，秋月莫傷神。後會天涯絕，何當若比鄰。

途中漫賦

秋風又此送年華，驛驛青山望轉賒。歸客途中過白露，野人籬外見黃花。及時筋力憑誰惜，無用文章敢自誇。正憶江村故人語，世間最好是桑麻。

馬嵐驛外得溪橋散步以詩閒遣

此境如相識，多曾畫上看。溪橋跨絕岸，雲木倚層巒。背伏敵堂詩錄

卷十

九

寺僧孤往依林鳥，獨盤忘懷閒送目。仍作畫圖觀。

宿馬嵐驛舍

夢魂頃已到家中，窓背燈還弄小紅。一夜樹聲吹不盡，馬嵐驛外進溪風。

雨途遣興

何處吹來雨，西風故謔人。驟聲侵轎密，餘點溼衣匀。且對山如畫，還成我是賓。問誰棲隱得，笠屐伴閒身。

雨中兩絕句

雨餘山賸一分青，山外山尤看不明。卻是前溪號急瀨。

意中辨得隔山聲

天昏有雨更無風  
漠漠深山去路通  
屋上炊煙飛不散  
人家疑在白雲中

仙霞嶺二首

今日仙霞嶺陰晴  
上下分入天穿霧  
雨隨地化煙雲  
竹色昏如夢泉聲咽  
不聞數峰何處碧  
無意送江君  
到嶺俯開豁山關  
早放行連岡初過  
雨別岫本來晴  
竹磳參差屋雲坡  
高下耕回頭看峻  
險幾度舊遊情

釣臺感舊

伏敵堂詩錄

卷上

十

道光己酉夏五月與同郡彭君

字甲

由閩歸里道經

子陵臺下會夜月出命舟人入村沽酒相與劇飲爲  
樂今聞其在鎖江軍前值亂兵潰走時被傷物故

昔共歸舟客新傳作國殤  
書生將上馬歧路忽亡羊  
本自拘儒服何緣傍戰場  
釣臺同飲處獨酌爲心傷

桐廬

嚴陵臺下秋水生  
桐廬道上風吹晴  
日投孤嶂斂晚照  
天入寒江仍夜明  
有生苦遭造物弄  
隨境一發詩人情  
三年今日成歸去  
還似扁舟夢裏行



夜抵杭州

潮痕先已吞平蕪，猶侵岸脚搖菱蘆。舟人乘潮催夜發，  
解纜驚起眠沙鳧。是夜秋陰黑無月，江流沉澹雲模糊。  
越山隔岸了無見，南高峰亦疑有無。江天渺瀰入海處，  
欲求一岸投東吳。漁燈光中見有寺，一塔暗引吾舟孤。  
更知杭州近咫尺，城外傳柝聞相呼。經時崎嶇溪嶺內，  
望到吳地心方蘇。江行犯夜那辭險，柁樓久立風蕭疏。  
明朝行色復匆促，不眠頗惜秋夜徂。欲呼明月爲我出，  
發興便去遊西湖。

伏敵堂詩錄

卷士

到家六首

士

舟到蘇州了，偏從郭外盤。近家心事迫，催棹水程寬。落

日栖遑嶺

栖遑嶺在浦城縣境俗名西陽嶺蓋土音之誤

秋陰黯淡灘，老親愁

客路急去報平安

富有新詩卷，貧無舊屋椽。江鄉尋賃宅，漁市泊歸船。兵  
火驚心後，親鄰聚首緣。三年遊子至，雞狗亦欣然。  
家事何須問，端憂賊未平。饑軍凋物力，祈雨歉秋成。孰  
謂江南事，所關天下輕。乘時思報國，寂寞笑書生。  
夙有歸耕計，如今亦不能。土原爲志苦，我豈以才稱。壯

節憑時命危身託友朋到家愁更出骨肉意難勝  
滿屋拋書冊歸裝紫菊前弟兄皆故我風日又凋年有  
黍且催釀無衣罷質錢到家愁總豁寄謝八閩天  
忽自放聲哭知亡盛良山斯文方有幸造物特爲慳筆  
絕書猶寄墳成客始還今生失此友獨學晦人間

伏敵堂詩錄

卷三

三



伏敵堂詩錄卷十三

丁巳

長洲江滉弼叔甫

奠艮山作二詩志哀

此身那有千年壽再看天生作聖才並世得君虛自幸  
更誰規我倍相哀一超學已儒宗到餘事詩從德性來  
短命斯人二十七嗚呼并不及顏回

朝聞夕死君奚憾我拜靈筵總愴情筆下哀辭心莫寫  
尊中奠酒淚同傾何能短札通泉路復續微言慰友生  
世故驅人更沉溺吾今獨學定無成

伏敵堂詩錄

卷十三

過雪亭

相望那更隔煙波千里歸來蓄思多閱世情懷吾倦矣  
閉門著述子如何卽看風物江鄉好復愧年光客裏過  
難得來談還易別故人偏不贈漁簑

去秋殷述齋先生

壽彭

招遊粵東遠不能赴今日

行泰安道中憶與先生曩遊輒有作寄懷

昔在甲辰歲從君遊泰山泰山維名嶽而君爲名賢別  
來成兩憶倏忽十四年今者青巉巉泰山來馬前獨行  
不見君懷舊心纏綿念君南海上去此路數千寄聲不

能徹寄意何由宣願乘泰山雲便到南海天相從更遠  
遊飄若空中仙卻話曩日事勝賞隨雲煙當復青巉巖  
泰山來夢邊

京寓二首

無可論懷抱營貲買小官賤難藏我拙貧易盡人歡豈  
便求聞達方愁變肺肝帝城春滿眼忽忽未能看  
有甚折腰者如今亦不辭最窮遭世眼餘辱逮吾詩待  
得錢塘到行逢八月時觀潮候槎客滄海渺相思

呈詩留別彭表丈

伏敵堂詩錄

卷三

二

久從閩嶠夢京師喜見元臣矍鑠姿名世襟懷文集在  
憂時心事鬢毛知公期草野無遺士我覺湖山有好詩  
到得錢塘卻回首不如長侍退朝時

送弢叔之浙江

彭蘊章

閩嶠歸來道氣存彈冠貢禹漫同論湖山早入詩人  
夢烽火曾驚旅客魂尙有緜袍憐范叔休將布被笑  
公孫金臺後會知何日且盡花前酒一尊

遇李一山

士龍

被酒後有作

憶昔與君同作客明湖水木看明瑟時時載酒歷下亭



誰山影落杯中碧是時年少各氣盛詩酒鶯花若性命  
犯夜奚辭醉尉呵遨頭每與春人競昔遊若夢十二年  
濟南回首隔烽煙思君話舊不可得忽漫相逢吳市前  
喜君意氣真我友談次精神益抖擻高才不合隱蒿蓬  
皇路方看縮綸綬我亦飢驅不自休一官將去古杭州  
西湖更比明湖好惜無君來同我遊此後相睽復相憶  
拘官命駕何由得且鬪尊前現在身一輪秋月風吹仄

赴杭州舟次

家居能幾日秋至復行程晚雨掠船過殘陽隔樹明人  
伏敬堂詩錄 卷三 三  
方迷出處天亦錯陰晴回眼看鷗鷺何嘗不我盟

自笑二首

自笑江波叔爾今第幾流隨身一石硯賃屋古杭州東  
道初無主西湖未易遊方將走俗狀手版奉君侯

末路有如此吾真不料哉旅費隨手罄家計上心來一  
夜聽秋雨明朝謁憲台方從下僚下重鍊作詩才

憲台二字

見楊誠齋集

湖上

西湖疑可滌人愁又此偷閒浪出遊身避衆咻城裏事

水呈一碧鏡中秋苦無佳句猶吟着甘作卑官卻悔不  
注目蒼山未能去晚風偏與轉船頭

酒家有見

爲箇如花集酒徒停蹤我亦看羅敷芳年已誤當壚了  
玉腕還親滌器無似此佳人雜傭作正同文士辱泥塗  
相逢便恐青衫溼好去樓頭醉一壺

拜錢武肅王像感王於羅隱事有作

田橫好客猶堪吊况乃風流若大王不第吾生亦羅隱  
將詩此日到錢塘情來曠世還相感事去雄圖總已亡  
伏敵堂詩錄 卷三  
步出祠門復何向沿湖一帶好山光

四

寓中窘甚戲作詠錢一首

卅載頭巾一笑拋棄儒從仕問誰教有情助我能援例  
無術求兄不絕交風月可賒原自足文章何用被相嘲  
囊空贏得錢神論避謗還愁客借抄

乙卯秋日艮山有一詩寄我閩中詩未寄達今日

於遺稿中見之灑淚作同韻一首寄焚靈石以

呈冥鑒

我有翻江倒海之清淚哭君欲使黃泉知更傾餘滴磨



墨汁寫億萬本招魂詞引君精靈來夢寐化我氣質絕  
瑕疵坐懷此意讀遺稿正見寄我閩中詩詩詞婉篤亟  
相勉鞭策庸懦真吾師此詩此心合報答敢以生死忘  
交期我今行年正四十玩愒已到無聞時出驚世變身  
有累入憂親老家無貲卑官意在營一飽磨盡志氣同  
蚩蚩平生到此叢百愧况憂陷溺兼塵羈謁來湖山清  
絕地卻牽愁緒如亂絲文人結習好吟諷玩物喪志責  
莫辭感君遺語方尋思百年飄瞥如飈馳欲追來者悻  
憤遲小人之歸賢人嗤我心悲矣誰知之嗚呼我有翻  
伏故堂詩錄

卷三

五

江倒海之清淚而陳詞哽咽徒如斯

不得覆叔書幾一年矣中夜轉輾不成寐作一

詩答前歲所寄茲事久輟詞句無可觀所以  
作者欲故人知其交勉之意而時有以進之

爾

盛樹基

去年秋風南雁吹故人千里裁新詩故人不歸尙閩  
嶠秋風寥落余其悲屋梁顏色夢惘恍心聲宛在瓊  
琚詞詞高意遠託琴操曲中有涕紛漣而蕭蕭風雨  
感冥晦青青衿佩嗟凌遲茲菀響輟化鋒鏑元穹雖

默非難知文王尼父不可作日月逝矣文在茲空山  
何人抱六籍天寒日暮堅車馳草根秋蟲詎足數觀  
彼大化相推移一陽在上果不食我落其實今其時  
秋風颯颯吹我墀夜中皎月鑿薄帷喟然念君適自  
念不到聖處能無思

前蒙彭表丈賜詩有湖山早入詩人夢之語又寄  
一聯云大好湖山供吏隱無邊風月暢詩懷因  
書一絕自贈

官雖買得計非癡饒箇西湖慰賤時比較東坡偏有福  
伏敵堂詩錄

卷三

六

吾今宰相許吟詩

九日遊靈隱上至韜光作同王桐孫

叔鈞

轅門趨早鼓可笑蟣蝨官惟思入山遊暫脫憂辱端今  
朝重九日城外開晴巒自晨訪靈隱石路行盤盤筍香  
出茅店小歇加野餐山門入見山環翠如龍蟠靈區天  
所闢誰作人境看峰奇石有竅泉冷水不湍眺聽耳目  
間忽徹心與肝忘形而得趣佳處逢闌干同來有俊侶  
肯追無情歡勸我更舉足仰穿竹萬竿韜光竹杪上一  
覽天海寬鐘聲亦上聞振下木葉乾卻俯靈隱寺殿脊



若馬鞍此來作重陽有客同壯觀百年做幾展會將遊  
汗漫無爲下山去世慮重相干

寄福州楊雪某先生

昨遊韜光見先生壁間詩  
有千峰青到寺邊樓之句

千峰青到寺邊樓着句何人在上頭此老襟懷應獨勝  
好山先後不同遊憂時兵火通全楚望遠仙霞接素秋  
爲報韜光無恙在知公清夢有杭州

桐孫見示次韻遊靈隱之作復次韻奉柬

昨夢身爲僧若已棄卻官晏坐靈隱寺一笑浮雲端尙  
記佛香中開窓入層巒醒來在城市路阻一百盤坐思

伏敵堂詩錄

卷三

七

再往計對按忘朝餐多君紀遊作筆力能屈蟠攝取山  
水來好作重遊看惟茲靈秀區山隋水復湍俗士無心  
胸猶爲滯肺肝矧君抱奇尙世患亦未干心空得語妙  
自賞追清歡愧我促勞役不臥日半竿動勸塵土下俯  
仰誰云寬來日方大難口燥而唇乾有如駑馬病重爲  
人着鞍前遊亦何樂愁心敗勝觀惟思買舟去秋水窮  
瀾漫爲僧雖不果躬稼歸江干

桐孫復和有日歸恐未易隨境且達觀之語仍次

韻奉柬

我本淡蕩人失身充賤官頗來朋輩嘲此舉殊無端答  
以浙中勝借宦探巖巒連山富筍蕨既足供蔬盤魚羹  
脫粟飯何處不饜餐飽時卽尋山修徑窮縈蟠好摹謝  
公作贈與閒僧看豈知一入世此身同逝湍袞袞常參  
班屏氣傷吾肝腳躡手版者不計集若干孤心困衆咻  
一歎失百歡便欲強爲同如魚緣竹竿歸來窘米薪食  
窄愁腸寬感君急相慰詩來墨未乾棄官固難必願再  
聯遊鞍飢勞難兩患姑作閒事觀君亦好自遣勿用愁  
漫漫想見授餐處苜蓿長闌干

伏敵堂詩錄

卷三

八

送桐孫之桐廬

子陵故人作天子一竿自釣桐江水而我故人爲達官  
便插手版來相干古今人固不相及窮士茲時難特立  
君遊桐江登釣臺爲借漁竿持寄來非君知我更誰哉

孤山林和靖祠

最難妻子緣都絕况是高堂兩鬢斑顧我今朝非處士  
羨君當日有孤山貧能適志還須福天與勞生自不閒  
敬告幽靈休見外鄙懷仍寄水雲間

同客諸君各作一詩奉柬



彭訥生表兄

慰高

不善營衣食多君代作愁艱難嗟末路風雨警深秋家計如何了名心到此休知予最親切未合以詩酬

惠磐卿

世昭

笑傲爲廉吏眼中君最能家聲繼紅豆畫筆替青藤賃屋聯牀宿看山借屐登時於塵事外意氣見飛騰

吳康甫

廷康

新自賊中來奇窮到雅材何時衰髮白一見笑顏開金石手多綜風塵心所哀聽談血性事日晚未能回

伏敵堂詩錄

卷三

九

黃子誕

麟書

黃君年最少落落信吾徒自負奇男子心嗤賤丈夫一官家業廢千里客懷孤憶共舟車日高情世已無

金葦生

文藜

世途多厚貌君乃率其真肯作輸心語原來絕俗人吾鄉堪避地薄宦共羈身頓着消愁酒將爲不速賓

林廉叔

何處與君別天南有福州不圖兩來會只隔一年秋此地湖山好吾儕笠屐遊楚氛動天下官小莫多憂

候樹人先生近疾奉呈一詩

六十老翁何所求

用湯文正公語

獨懷忠藎軫時憂神明運物

原無疾風露宣勞易感秋倦僕呼來供茗事亂書移近  
到牀頭如公猶是寒儒耳儘許寒儒話客愁

偶成一首用王荆公體

不如爲老圃士欲託諸侯未許吾將仕方疑子好遊絕  
糧從者病失履館人求身若乘桴得教從上下流

同潘仲超

聲

尋紫雲洞歸過孤山仲超次拙韻有

作復次韻一首

伏敬室詩錄

卷三

十

溝壑不在地乃是身外官官豈厲我哉尋思茫無端惟  
當學忍飢求飽於煙巒今日日初出照寓愁空盤從君  
城外遊百錢共半餐尙餘折腰力走路窮回蟠尋得紫  
雲洞暫作華胥看洞外松聲來驚我如風湍窮悴三十  
年積憂傷在肝曠處偶得逢虛警仍相干不如舍之去  
訪古求幽歡孤山有孤寺遠見一刹竿步尋處士踪緬  
彼胸襟寬末世士彌賤汗我顏不乾可憐作飢驢所少  
惟一鞍君心篤故友舊眼無改觀聽我說窮狀長夜歌  
漫漫何當老飯牛期子荒江干



吳山放懷樓

誰題樓曰放懷樓對此茫茫劇暮愁紅日將沈催客子  
白雲雖近隔蘇州身供羈旅行吟用世是兵戈格鬪秋  
如此湖山作溝壑詩人末路恰風流

僮言

有僮從我來今朝告我去問汝去何方曰尋喫飯處典  
我衣與裳猶可七日糧更爲五日留於汝亦不傷答言  
身作僕原是逐口腹從主杭州來百飯百不肉不肉還  
是可不飯愁殺我欲去那復留坐待不舉火況主官太

伏致堂詩錄

卷三

十一

卑直同輿與僮輿復役我豈非欺我哉他官作計全  
挾貲累萬千以母錢爲官自可招子錢主今空兩手餓  
來卻張口除是吸西湖西風吸得否何路不稍寬必做  
蝨樣官冬衣旣典盡冬至方嚴寒僮言一何直主人重  
歎息彼以飢故逃我飢逃不得

樹人先生自序在山左時及在蜀在閩在豫三十

餘年所歷戎馬之事有圖命題不敢以浮詞獻  
諛以風霜臣節苦歲月主恩深爲韻作十詩奉

呈

治民與治兵事異理則同所以古循良談笑成武功惟  
公邃經術儒風非將風究心民事熟化盜無形中用兵  
豈得已取足詰寇戎昔請缺案再入閩臺早爲親民官辛苦三十霜齊疆與魯甸輿頌聽道旁如  
古龔黃倫厥功在農桑有時奉虎符改服厯戎行仁者  
必有勇赤手捕豺狼魯山感之與國反奇治譜  
治譜有心得治聲日上聞一千三百縣有此廉勤人卓  
薦問奚由由於臥轍民後公厯南服與國爲盡臣皆此  
親民時練盡勞與辛治譜  
伏敬堂詩錄 卷三

主

蜀道行何難與公勵臣節叱馭到荒州邊風愁欲絕盤  
錯方相需賊民久芽蘖應機以勦之邊郡免瓦裂在宋  
張乖崖髮髯比英烈三百  
去蜀復入閩汀漳非鄒魯山海之奧區民俗駭行部撫  
之則爲人虐之則爲虎酌劑寬猛間治術慎琴鹵監司  
不親民察吏心彌苦不識  
民以公爲母公偏奉母諱起家再入閩臺陽懸海外奸  
民正跳梁將成朱一貴危乎赤嵌城颶風搖賊旆何幸  
公來斯斯民若望歲公



兵機運以心飛將不憂蹶入城城自墜賊來任衝突撫  
剿乃兼施散黨擣其窟何嘗多殺人宿師淹歲月拜手  
海無波紅旗報北關

公績此爲大然公不好武靖民用詩書髦士進於古治

成名益高不與世仰俯主知雖已深流議巧相侮抽帆

海外歸真成窮塞主窮塞主宋人戲  
范文正公語

艱難去謁 帝奉使仍 國恩喜從邊海來去活中州

人中州正多事白髮生風塵籌防及會剿有略不具伸

治軍權不一幸茲來治民

伏敬堂詩錄

卷三

三

兩浙雖云安民困日益深老臣念時艱閉閣方長吟恤

刑一事耳孰窺公用心末吏之才器在俗空浮沈望公

竟偉略從侍歸山林

曉起頗寒憶羊裘有作

西風不貸客中身寒氣朝來一倍新頗憶鄰牆質衣庫

做裘留暖待何人

一持手版一回愁誤爲家貧作宦遊此日嚴光方笑我

澤中還自有羊裘

此日

願將歲月付來生好作農夫樂太平此日乾坤方着我  
中年骨肉若爲情酒還無當忘憂用詩已新傳變徵聲  
欲赴家中共飢渴蒼茫水路隔三程

晚至孤山

誰說吾生自有涯彫年相促不還家坐縈千慮書難把  
來到孤山日又斜拙宦初無禦寒具野藤偏有忍冬花  
衝風獨立蒼茫極雪意漫天噪萬鴉

夢騎馬上斷橋不渡而返

生來涉世常無路夢裏逢橋似有因疲馬獨驅方信足  
伏啟堂詩錄卷三

古

長虹中斷又迴身已傾醒後窮途淚尙記前無引道人  
夢境雖知非是實何妨姑許見通津

席上有呈

寰海彫枯日人情滅愛才君於我輩厚世有古風回觴  
次胸初豁湖邊月正來十年相見晚此後好追陪

冬至後五日口號

鵲噪鴉啼各有因律窮冬至忽回春不徒滿目人情喜  
并覺湖山氣象新

燈前



世故紛紛眼漫開寒儒心事冷於灰  
燈前夢作千金賈藉手奇贏報國來

雨後泛舟至南屏山下

歇雨山未青湖上煙茫茫山煙并湖氣  
上暈天色蒼刺船去何所蕩水泛冷光  
引篙插隈岸忽在堦影旁霜翦疎林枝  
風咽啼禽吭獨行寒色裏已盡百步岡  
卻睇南屏山古寺煙中藏雪後期再來  
襪被投僧房

謝表兄

嘉孚

之官桐廬不及三月而以喪歸至江

干迎弔有作

伏敬堂詩錄

卷三

五

送君時值菊花開昨日山中見早梅  
仙令雙鳧方去得化身一鶴忽歸來  
更無謝客題孤嶼空憶嚴光有釣臺  
眼看乘潮靈櫂到江風爲我遽生哀

委解餉銀出武林門作

檄到驚吾懶殘年俗事新半干飛雪路  
兩萬餉軍銀好作馬牛走毋嗟蟣蝨臣  
浙西山有意青向老詩人

贈呂鴻

係紹興老弁曾在甯國營次有功調歸未得獎敘今護送餉銀與予同舟

殺賊提戈君甚武揮毫落紙我能文  
我於鄉舉不登第君在戎行空著勳  
汗馬猶然憎命達雕蟲那不枉心勤

書生壯士堪同慨并付湖天薄暮雲

遇朱象山

台符

夜話感賦二絕

君行間道常遭賊我受奇窮等被兵惟死未曾經歷耳  
異鄉燈下兩殘生

聚首京華各少年二毛今已上吾顛一提十五年前話  
別是人間別是天

將赴衢州

正苦羈愁撥不開燈前飛檄忽然來明朝九姓船中坐  
恰是殘年避債臺

伏啟堂詩錄

卷三

六

發舟得順風將至富陽作三首

宿雨初收雲卻還好風吹落兩篷間不知船逐江流轉  
看似前山讓後山

天借東風信有神青山追送苦吟身忽然船住山都住  
兩岸高峰靜對人

逆水行船遇順風周全端的賴天公天公并有調停意  
順水船來快正同

舟中雜題十二首

雜樹冬榮山益蒼旁連漁舍對溪光溪山如畫堪千里



影入篷窓只一方

山出船頭路若窮  
隨山陡折水還通  
此間前後船相望  
各見蒼岬不見篷

幾峰淡淡幾峰濃  
遠近嵐光不同他日與人談畫理  
心知得自道途中

白鷺斜行點破煙  
船來小泊水村前  
遠山只作低平勢  
反是檣竿高矗天

夜雨淋漓曉乍收  
溼雲猶是戀山頭  
好峰欲照江如鏡  
忽被雲來掩面休

伏敵堂詩錄

卷三

七

蒼茫隔岸辨漁磯  
一鳥凌波巧作飛  
學得蜻蜓點水法  
幾乎霑溼好毛衣

四山煙合忽蒼然  
將卸風帆未泊船  
聽得魚跳仍不見  
扣舷人看水花圓

看書眼老不曾花  
忽看山如有物遮  
細雨煙中紛似織  
羣峰都隔一重紗

嶺背飛泉細作聲  
墜崖穿石忽鏘鳴  
怪他所歷偏如我  
出得山來更不平

天色時兼雨色昏  
讀書小倦倚船門  
溼雲看爾從天下

潭得山頭露卻根

巖灘西去接嚴州雙塢孤城俯碧流先有城耶先有塢  
更無間處只迴舟

船尾炊煙颺得輕看山差喜泊時晴爛泥無意生春草  
只禁先生上岸行

蘭溪除夕二首

近城爆竹響如雷水驛掀篷坐此回正有扁舟歸不得  
歸舟應自夢中來

夢中歸亦不須舟頃刻還家直自由猶及三更謀一枕  
伏敵堂請錄

卷三

六

滿城燈火見蘇州



伏敵堂詩錄卷十四

戊午

長洲江 滉弢叔甫

元日蘭溪舟中二首

隔歲愁還在蘭溪欲笑人半生從逝水一棹又新春草  
岸風光活煙山雨色勻孤舟天地內敢說不容身  
一僕從旁侍新年有怨嗟人情何異我客路總思家白  
髮愁生事青蛾感歲華遙知阿福長亦解憶天涯

新年憶幼時二事

憶昔五六齡頂髮縮雙髻新年上學前老僕抱看戲戲  
伏敵堂詩錄 卷古

演漢朝官歸來劣能記遂招隣兒羣自演劇庭際剪毛  
爲雞翹截竹當馬騎偷裂舊羅衫作旗試搖曳雞翹一  
兒插便稱漢皇帝一兒作大官數兒作皂隸小官捉到  
我初時亦可意因成一場劇踰躑踴傍階砌忽呼大官來  
小官拜伏地我乃心不甘見辱悔於旣起持所騎竹打  
折隣兒臂時有某媼翁旁觀見嗟異謂此兒戲日早具  
丈夫氣乃與吾翁約他時以女娶此事卅六年回首記  
纖細豈意大蹉跎眞作拜塵吏兒時志何如可笑亦可  
涕寄書謝媼翁幸未爲君壻

憶昔十一齡新年入里塾童心慕嬉遊塾師與束縛時  
有小聰慧偷看本草熟復取火珠林占法學郭璞塾師  
見而怒童蒙以正告曰汝宜學儒儒非醫卜屬出治比  
伊呂入聖辨朱陸摛文仿班揚詁經守鄭服用是顯於  
時潤身兼潤屋因授一編書實維四庫目目錄五萬卷  
卅年始竟讀不料讀竟時得官由入粟粟少官苦卑用  
世等輿僕卻憶所讀書滿胸自捫摸一字不入用好付  
高閣束因疑四庫外有書弋利祿師獨秘不傳我故昧  
所學所學非所用固宜窮且辱師誠欺予哉一誤萬難  
伏敵堂詩錄 卷古

贖何如弗領教小志就醫卜

去衢州三里地名雙江口是昔年入閩之道過此

作詩

說與雙江水吾愁何地無回頭總陳迹到眼又歧途落  
日心誰壯春風客自孤一犁營辦得的的思想歸吳

由龍游至常山一路灘水迅急逆流行三日舟中

雜題九首

前水猶暄後水囂急流駛若落殘潮浮薪半束船旁過  
一霎回看里許遙



篙救船頭正着愁不防船尾閣沙洲上灘未趁三分勢  
氣力窮時始順流

石上驅車過泰山輪聲驚夢破人間只今石作滄江底  
又聽篙聲落夢間

正是前灘春漲新波聲激岸四無隣鷺鷥縮腳驚回處  
水碓衝來沒半輪

水向船頭猛倒流一篙撐折不能休要令費力仍無用  
水與篙師有底讐

伏石中流避所遭又看一石立如猱何須出水呈頭角  
伏菽堂詩錄

卷南

三

被卻舟人點一篙

一灘纔過一灘來亂石鳴船又幾回疑與先生惡作劇  
欲令詩膽駭驚雷

石於水底突然生欲遣寒流改道行水性豈能禁爾遏  
千波跳作沸湯聲

努力千篙只不前爭灘搶水水濺濺忽看一箭來船快  
上有篙工枕手眠

舟中讀艮山遺藁二首

具眼何曾識古賢但疑吾子卽淵騫成人氣質無瑕玉

見道文章有本泉千載士方關世運一宵病已折天年  
篷窓燈下編遺稿水驛程程總輟眠

疇昔論交藝術中傾心椽筆萬夫雄忽看痛砭文人習  
己自精研聖處功尙細聞君標學旨書紳許我佩儒風  
平生欲善無窮意此日還期夢寐通

由常山至開化折廻江山凡山行四日共錄絕句

二十首

我要尋詩定是癡詩來尋我卻難辭今朝又被詩尋着  
滿眼溪山獨去時

伏菟堂詩錄

卷古

四

驛外寒梅一片飄青山相送遺無聊分明南宋詩人路  
此去江西百里遙

一谿綠得可憐生不是琉璃比不成及到前灘驚瀉處  
琉璃忽作碎時聲

樹身石面共莓苔幽徑停輿步一回忽有水聲驚芒屨  
草根走出亂泉來

一片雲陰移過溪晚晴天氣正淒迷忽看日色全然晦  
無數高峰障在西

夜氣沈山一色中月光和霧只溟濛猶餘十里向城路



試膽危橋過水東

壁隙尖風閃滅燈  
卻看碎月墮牀棱  
誰歟荒店同投宿  
一箇挑包行腳僧

百摺清溪百皺山  
昨時來路此時還  
停輿飲處猶能記  
松蓋茶亭一兩間

油菜花時麥未秋  
山中欣見小平疇  
飛泉正去尋谿澗  
忽被春田一岸留

谿水因山成曲折  
山蹊隨地作低平  
谿山滿眼君應悟  
直道如今不可行

伏敵堂詩錄

卷古

五

四山環匝似城頭  
又着重山繞一周  
不是沿溪尋得路  
被山圍住幾時休

修路環谿十里強  
籃輿搖兀似車箱  
坐吟渾忘斜陽晚  
只見輿夫影漸長

炊煙一穗起茅檐  
霽色遙看夜色兼  
日腳斷無人趕及  
倏從平地上山尖

爭落爭鳴怒未休  
山中水自不停流  
看渠合勢同奔處  
卻解分波避石頭

厯盡崎嶇上得邱  
忽然送眼碧谿頭  
一雙白鴨眠沙穩

飛去方知卻是鷗

眼前物理費尋思野店門前倚樹時千歲老樟枯死盡  
寄生小草不曾知

輿前峻嶺突然生路向山腰折處行絕頂何人住  
一聲雞在半天鳴

山曲柴門倚石開歛人避地幾時來如今盾鼻堪磨墨

自爲閒人琢硯材

硯瓦山有歛人  
避地在此琢硯

人日懷人懶作詩風光只繫故鄉思紙寫一線如絃直

可是春風愛小兒

伏秋堂詩錄

卷古

六

疊阜重岡路只彎何來奇石小孱顏天工豈是矜餘巧  
要賽人家好假山

正月十五夜泊舟衢州作

衢州水市萬燈明簫鼓遊人競出城何害元宵聊作樂  
所愁鄰郡未休兵收金方鑄神機礮煉藥都輸火器營  
堪歎兒童燃爆竹更將烈燄作春聲

將至嚴州十餘里題舟旁石壁

蒼崖一百丈出水忽成奇天不愛其石我方酬以詩江  
寬消漲快嶺峻脫雲遲能學嚴光釣端來坐在斯



夜行七里瀧旣而月出因登釣臺紀以長句

正月望後嚴州行因事一入嚴州城出城已見西日傾  
下船不敢盲追程前有七里瀧山峻水益清夜行苦無  
月恐負山水情不知舟人是何意拔棹撥棹爲宵征是  
時月在東嶺背水色稍借天光明兩邊山影落篷脊壓  
船若重行還輕順流屈曲三十里水風激激吹波聲忽  
看嶺上一輪吐低昂若與船相迎一輪復從水底見水  
底嶺上爭光晶奇哉富春夜色皎如雪後天初晴心  
知好月不恒有清光猶爲嚴先生先生釣出漢時月一  
伏敵堂詩錄

卷十四

七

臺高與浮雲平登臺看月發奇想安得詩客相酬賡南  
宋謝臯羽晚唐方元英若呼二子共良夜豈無佳思通  
心精人間糞壤尙傾奪餘此清境無人爭舉頭得月俯  
得句造物着意還相成何當瀧水變酒醉我倒更忘身  
後千秋名

側溪舟次

昨日暄妍今苦寒夜來微雪在林端山添草色春還淺  
江落潮痕水自寬豈有筋骸供吏局直無粗糲許儒冠  
勞生又著新詩稿他日憑誰論世看

詠舟人雨具二首

箬笠

自以儒冠誤知他箬笠優選材從竹得合用與蓑謀戴  
着天形似聽清雨點不微嫌風撲到頗不戀人頭

襪衣

綠蓑原草服此製似而非憐爾剝皮樹爲人禦溼衣雨  
中翻手便晴處上身稀肯借先生着何鄉無鈞磯

富陽得風挂帆

船尾炊行竈船中吹入煙豈期一水地還遇順風天昨

伏敵堂詩錄

卷古

八

夕泊無所驚波撼不眠江神眞長者窮命又相全

劉後村詞

云山鬼海神俱長者饒得書生窮命

過六和塔下

古塔船前指去津千山橫着一江分推篷望見高峰白  
知雪還疑或似雲

西興

世事紛如此吾行奚所之烽煙驚夢後溝壑待人時日  
晚潮來急江寬客渡遲西興殘驛在題得變風詩

曹娥廟



至性驚天地還同赴汨羅一江流孝水千古祀神娥絕  
妙碑詞在斜曛客權過想乘明月夜仙樂導凌波

得竹冠

奉化道中作

吾生於世長已矣甘作空山枯槁士尙緣身事困塵途  
鬼黝神嗔愁不死眼明見此青篋冠野人戴得一身安  
不辭再拜從渠乞藉棄人間奴樣官此冠出自山家製  
與笠同圓形小異曾標名士畫圖中不入皇朝輿服志  
戴着仍攜兩屐隨溪山日日好尋詩翩反弄影遮晴處  
浙瀝鳴秋障雨時多感野人持贈情竹冠到手世緣輕  
伏敵堂詩錄

卷古

九

會將長揖上官去萬里青山戴笠行

甯海道中將宿某店望一山幽異不遠六七里走

入深邃坐憩久之以二詩寫興

蒼山引獨行一徑谷風清忽出泉源上下看雲氣生遊  
心曠無物卽境妙難名何事人間世征財與募兵  
曠色回頭看從吾來處來山容酬俯仰人影勸徘徊何  
境不期客能遊亦費才急歸非怯暮只聽雨鳩催

罌粟花

歎息台州道田田罌粟開天愁民有種花與禍同胎至

味人間盡奇方海外來憑誰曉窮俗五穀要多栽

台州聞警而去將抵天台縣

我先我後儘昇平適見兵戈起亂形容鬢新從途次白  
名山偏向賊前青已無遊興探奇與剝有窮愁損性靈  
一杵鐘聲國清寺好風還送路人聽

明日不果登程遊國清寺

畏途宜速歸小留非得已惟欲寫我憂出城行五里天  
台固名山五峰望中起不知國清寺近在五峰裏深松  
爲掩門綠竹互參倚旁有雙飛泉爭漱石齒齒一白流  
伏敵堂詩錄

卷十四

十

出橋不辨雲與水此寺著隋唐神僧旣邈矣聊縱物外  
步禮佛更隨喜方丈何清幽庭花尙紅紫暇茗辨泉甘  
食蔬擇筍美試尋彼長老閑壁挂草履東南方寇氛列  
郡無堅壘居民如風鳥百遠決一徙看維僧計便無家  
有生理喟我半日閒明旦戒行李夕陽苦催歸石路幸  
如砥蒼蒼雲木合寂寂鐘梵止回首指浮屠先以一言  
矢他日來爲僧詩擬寒山子

去天台五十里得詩

續

羈抱難憑眼界開昨遊况未盡天台半程過了空回首



四海清時不早來好憶石梁留夢境若吟華頂要詩才  
先生淪落匡時抱幸有人知是散材

新昌道中

雨欲留人住其如在路何燎衣愁店遠爭渡怯人多勞  
我非耕稼憂時廢嘯歌沃州山自好晴處望巖阿

嵬縣登舟

得船欣得路新自賊邊來風雨客還警谿山夜不開難  
知天下局虛憶古人才水枕淒涼夢僧鑪撥燼灰

感事

伏敵堂詩錄

卷古

十一

可怪杭州俗尋常百不愁六時鐘梵鬧一水綺羅遊此  
日纏兵氣仍知與佛謀明朝天雨粟饑饉亦無憂

王叔彝

慶勳

有同人詩錄之刻徵及拙稿先仰贈

一首

更能文學兩相成難得深持古性情詩外事皆經世用  
眼中人自愛才生看公與 國爲嘉瑞愧我因人忝小  
名一櫂西風黃歇浦吟懷欲附舵樓行

得假歸里忽發寒疾

豈獨鬢柔有餓人一年宦已劇思親倦心正好尋歸伴

寒疾偏來戰瘦身，夢境浮生如許惡。客途秋氣肯相仁，  
杭州自是人間世。無恙涼宵月一輪。

詠舜時事三首

稷契雍容恥論兵，但知拜手上虞廷。兩階若是無干羽，  
可奈苗民弗用靈。

耕鑿堯民比戶窮，冀州而下急河工。阜財幸有薰風曲，  
不以輸金勸四凶。

檣杄窮奇盡貴遊，堪援門閥蓋愆尤。不知四裔將投日，  
岳牧何人與奏留。

伏敵堂詩錄

卷古

十三

同子長泛湖有作卽贈

差喜漁家識姓名，相呼載我裏湖行。船爭曉雨晴邊去，  
草入秋波冷處生。作客豈堪儕狗盜，棄官猶及與去聲鷗。  
盟憑君爲寫滄浪趣，目極雲天萬里情。

懈市

懈市流涎又此遭，近因寒疾戒持螯。世間一味猶生戀，  
誰說先生見地高。

前月同子長來靈隱，子長獨遊諸勝。余坐冷泉亭，  
待之有詩未成。今子長歸里而余重來泉上，輒



續成一首寄之

滿林黃葉寺門秋，寺外巖光冷更幽。  
君愛別峰尋徑去，我行小倦被亭留。  
清泉不擇人而照，好客非因宦乃遊。  
卻喜重來詩續得，并將離思寄蘇州。

雪亭來杭見尋五日既相遇於西湖之上喜而有

作

年來浪迹湖山裏，日與山雲同臥起。  
眼中落落情誰親，湖山爲主我作賓。  
風光招人我卽至，曳杖日遊靈隱寺。  
寺僧見我識爲誰，但怪先生日日來。  
一來五日忘入城，

伏敵堂詩錄

卷古

三

城中有客尋先生，先生不歸悶煞客。  
踏破皮鞋尋不得，水仙祠下孤山邊。  
適然相遇湖中天，故人遠來取一笑。  
夜夜夢中想不到，先生雖是衆所棄。  
猶有故人牢見記，五日相尋感情篤。  
十日留君猶不足，仍倩湖山爲主人。  
留君好作賓中賓，湖山相對我與君。  
耳邊時事真浮雲，湖樓早起二首

面湖樓好納朝光，夜夢分明起輒忘。  
但記曉鐘來兩寺，

一鐘聲短一聲長

湖上朝來水氣升，南高峰色自峻嶒。  
小船看爾投西岸，

載得三人兩是僧

奉有闡差感懷之作

科名已矣漫官身，恰作文闡執事人。此日燈窓猶有債，當年墨卷竟無神。士窮方逐馬牛走，世亂難清戰鬪塵。但得寬鄉容我去，好充識字一耕民。

子長作西湖圖見寄以詩奉答

顧君偕我來西湖，歸去急寫西湖圖。西湖之景因我得，圖成可贈他人乎。果然寄此幅，水墨雲模糊。南高峰高，孤山孤湖心水色，平平鋪中有一船。依依茭蘆船中人，非

伏敵堂詩錄

卷西

西

白與蘇乃是落拓今之吾，吾遊西湖復入畫。此身信與天爲徒，天方以湖慰孤憤，使發笑傲於窮途。顧君會此意，所以點筆粗不寫春堤妍麗景，只作老樹依崖枯。惜君寄畫爲我娛，不知我窮但有七尺軀。客中之屋無錢租，家中四壁今亦無。得君此畫何處挂，蒼茫四顧空嗟呼。嗚呼西湖之圖懸之臥遊，不可得吾還去遊。真西湖，仰天醉酒歌烏烏。

子長復寄韜光圖又成一首

韜光本有一圖  
係玻璃夢禪作

韜光禪師坐禪處其地今以韜光名徑幽日聽風竹響



山高遠見秋潮生顧君從余一登覽滿胸畫意先經營  
山中舊藏一圖在僧指作者人姓瑛君歸卽仿瑛老筆  
皴法瘦硬山縱橫是宜卽送寺僧去與舊一圖爭誰精  
題詩紙尾卻寄我使我感歎愁冠纓世間好境須身往  
重在山水圖爲輕韶光僧如得此卷妙有真境相發明  
而我住山不可得抱圖悵望空含情此如鰥夫慕佳耦  
卻聽隣舍釵環聲顧君顧君若畫我先作一座杭州城  
城中潭潭達官署署中一士依寒檠破窓塵几積公牘  
窓外來者奴僕并但愁此圖人笑倒齷齪更使山靈驚  
伏敵堂詩錄

卷古

五

明朝移文勒巖谷并阻韶光寺裏行

同雪亭載酒泛湖之作

白眼青天酒一杯先生迂傲豈時才不能東郭墻間去  
且向西湖船上來詩興非君誰敵者宦情如我盍歸哉  
夕陽返照霜楓葉紅到南屏古寺隈

口占送雪亭

安得相留旬復旬孤山待看老梅春知君明歲還須到  
難忘西湖與故人

有弔而作二首

客裏憐君病不支  
名心宛轉尙如絲  
四書文爲科場用  
賺到生人作鬼時  
東南初動十年兵  
知待何年再太平  
君去泉臺須緩步  
轉輪莫卽到來生

下吳山小憩四宜亭  
亭中有丐者獨坐作詩贈之  
又一首代丐者答

羨君坐臥總青山  
消受山亭一味閒  
同是乞兒身分好  
不隨流輩到藩間

乞食還須不出山  
出山一步卽藩間  
四宜亭上君看取  
伏敵堂詩錄

卷古

去

寒

傲裘去我太無端  
獨立西風作冷官  
忽撫頭顱成一笑  
更無四十一年寒

詠悔三首

有序

前年夏日與陳子鶴先生相遇福州  
勸令從軍余以親老未可是秋歸里  
得殷述齋先生書招往粵東又以路遠不  
赴去春謁彭表丈於京邸蒙贈多金入貲  
得從九品官此三者今皆悔之作三詩云



翳桑此日餓卑官悔不從軍學據鞍殺賊未能爲賊殺  
猶將殉難免飢寒  
授粲情殷感故交卻愁鯨浸謝嘉招只今五斗無消息  
枉向塵中學折腰  
清俸叨分卅萬錢當時何不買閒田一官此日看人飽  
處處村莊大有年

雨窓閒遣

年光卽向句中留又對窮冬詠客愁  
叵耐寒氈邀獨坐不成小艇去清遊  
物情方以儒爲戲身計偏將官自囚  
伏敵堂詩錄 卷古

七

一樣瀟瀟窗外雨聽來不似在山幽

平六贈錢筮仙

振常

數面欣相識塵中契許深君非儕俗士  
我有訂交心民物先儒志湖山倦客吟  
不妨趨舍別談到夕陽沈

奇卷有謁

手版通名手自持常參班裏立多時  
上官倨不命之進小吏退而羞所爲  
誰實曾來徵召我我原無可怨尤誰  
尋梅明日孤山路得句將疑詩亦卑

試用期滿藩憲考語曰才具幹練

何地呈才具卑卑九品官敢爲憲司說所練是飢寒

渡江

寒潮落後翦江行惘惘窮冬作客情忽自中流左右望  
吳山送我越山迎

蕭山客舍

身謀迷不辨西東愁絕蕭山客舍中門外市聲喧米粟  
階前樹影禿梧桐因看寒日風吹淡忽悟詩人鬼弄窮  
眼底殘年難自度明年敢弗付天公

蕭山夜發

伏敵堂詩錄

卷古

十六

蕭山孤館夜明月忽吾招蹋月呼舟去將舟載月搖臥  
侵勾踐國吟退伍胥潮明日稽山頂狂歌動沈寥

山陰紀遊四首

烏篷六尺艇劣受一人坐我攜茶具遊身坐風鑪左茶  
力亦困人艇窄臥還可仰看雲行天飛過鑑湖墮鑑湖  
本如鑑晴日浪花委多謝進艇人使槳如捩柁曲曲逆  
山去山光照潭沲我昔爲腐儒縱狂今已頗方恨賀季  
真不知今日我

一出稽山門巖巒紛滿目稽古職方氏會稽鎮南服禹



會諸侯來時巡集羣玉崩焉不返葬窆石茲山麓尙想  
百靈趨松檜陰以肅小儒我何人禹貢舊能讀仰維古  
神聖勞身奠川瀆曾無紀功語矜心勒崖谷惟見嶺頭  
雲來就寢宮宿

何地無觴詠何歲無暮春獨傳永和年修禊卅二人  
生寄宇宙生死如轉輪崇山峻嶺外一隨陳迹陳我來  
蘭亭下俯仰嗟悼頻時冬十一月天朗寒威新有風不  
和暢視聽猶娛神將語王逸少吾珍現在身瑣瑣考石  
刻毋乃先生嘖

伏波堂詩錄

卷古

九

山水以心遇能使人更幽何哉山陰道若將終身遊昔  
人慕此土恒願官越州亦有此州人罷官樂歸休我思  
稽山下卜居買田疇疾耕得喫飯餘力製小舟自丐鑑  
湖隱混迹湖中鷗夕陽忽銜山暝色生林邱沈吟他日  
計入郭重回頭

讀湯子遺書

宦達歸來德不孤百泉山裏間修途早編洛學微言振  
晚救吳民積困蘇但見今之從政者亦知世有若人乎  
寒窓夜讀遺書竟春在梅梢信到無

由涌金門泛湖入錢塘門赴臬司署至則常參班  
已散得一詩以歸

官我如奴僕無人曰不宜真成素貧賤敢弗效趨馳出  
郭租船便看山理權遲西湖余樂也又失上司期

贖羊裘有作

全家都在西風裏生我人應更怯寒贖得羊裘方下淚  
不成爲子乃爲官

子長有懷前遊復寫西湖圖寄來索題

滿紙動秋光前遊未渺茫扁舟吾及汝幽興引而長水  
伏敵堂詩錄

卷四

三

暎晴雲白峰迎夕照黃就中難畫處心與世相忘

冬至後五日晨至孤山梅花已有一枝放者

清曉整衣出平湖撥棹來肅如謁當道去乃訪寒梅有  
朶高難折無人到已開孤山不孤處容我久徘徊

悼沈南一

邊盡斯文氣兵戈耀日芒賢人方欲隱君子又云亡舊  
是攻書客新成宿草岡繫舟春夜雨猶記上君堂

奉委入海運局作詩二十四韻

京師 帝王都仰給東南粟向來內地漕地苦不能縮



方舟涉江淮北上渺平陸歲修會通河閘水待停蓄轉  
般縱無勞僅免輓車轂到京計所費百金致十斛改由  
海道行費省到彌速夏月南風時雲帆出滬濱旬日達  
天津京倉報收錄江浙兩行省故開海運局董之以大  
僚下逮丞簿屬嗟我何人哉窮途走塵俗胸中萬卷書  
官書卻未讀乃效胥史勞點綴到公牘自辰達申酉一  
日費時六伏案偶欠伸忽如在場屋哀哉棄光陰失我  
讀書福辛苦夫何爲攀天只渺邈念此海運糧亦賦京  
官祿我淪外官底一粒不敢欲安能奏朝廷小臣半飽  
伏敵堂詩錄

卷古

五

足願且放爲農與國生百穀簸舂送官倉餘以自果腹  
世上上農夫無心羨章服

陳丈琴齋

其泰

以校官監紫陽書院實掌

文瀾

閣秘籍有西湖掌書圖屬題余方以卑官勤習

公牘疇昔讀書之願休矣題之實自志慨爾

不讀中秘書猶爲外翰林

今人以校官爲外翰

雖無尺寸柄著書

正人心陳君今古焉不學儒官更典

文瀾閣讀書所

得道氣濃望見顏色知心胸惜君老矣不用世猶堪纂  
述名山中嗟余亦是耽書者卅年螢雪南窓下一朝仁

食向西湖忽自置身胥吏亞回首家藏一萬編飢來捨  
賣等雲煙憑誰永護 文瀾閣待我他生勵少年

十二月廿二日得惠磐卿桐廬書招徃衙齋度歲  
既不能赴寄以一詩

相招風雪晨手札見情親惠子能知我江郎本恨人欲  
催波上棹去鬪酒邊身可笑窮冬裏偏教憶富春

有感

安得屠酤者相從市井中半生幾交誼一日此途窮詩  
社題襟在湖船載酒同寄君遊俠傳爲想古人風

伏敵堂詩錄

卷四

三

雪後得董夢蘭凶耗

吳山玉立更峻嶒坐對嚴寒哭舊朋猶有涕洟供一慟  
乍疑肝肺凍成冰閉門僵臥吾如故蹋雪追尋君獨曾  
堪歎窮交今剩幾誰司鬼錄盡收登



伏敵堂詩錄卷十五

己未

長洲江

湜叟叔甫

藩署後樂園梅花

衙鼓聲中感歲華，關心亭角有寒葩。  
一枝影傍春燈出，萬斛香供醉客誇。  
自歎身無棲隱處，亦憐梅作在官花。  
孤山老幹橫斜甚，日夕招人去路賒。

偶成

又援籌餉例薄，具獻芹心貧乏那謀此。  
親交許贈金人原，隨俗易跡似愛官深志趣何。  
寥落方從物外尋。

伏敵堂詩錄

卷五

投試卷時作

卑官看試牘，回首羨科名。  
一第偏慳我，頻年正用兵。  
爲親原可屈，廢學又何成。  
掩卷窺天宇，嗷嗷征雁鳴。

端午日作

兵戈未息漫芳辰，莽莽窮愁伴客身。  
屋角榴花空照眼，杯中竹葉不醺人。  
艱危大局需才急，憂患餘生見事新。  
也許卑官增秩用，世間公道有錢神。

伏枕口占

低戶炎雲度空庭，暑氣流仍嬰隔日瘡。  
又近一年秋貧。

病交催老風塵益倦遊西湖旬日別身欲夢爲鷗

喜阿福至

阿福今年額髮齊扁舟載至好提攜在途依母彌增戀  
繞案看耶似轉迷骨肉緣疏情自重風雲氣盡志應低  
不蒙大吏賜顏色今就嬌兒索笑啼

晤繆穉循

星通 賦贈

看君弱不勝衣者筆力偏能舉百鈞病後精神原自壯  
閒中學業更誰倫笑余衙鼓轆鈴底只逐麀頭鼠目人  
一對英賢堪愧殺欲拋手版返儒巾

伏敵堂詩錄

卷五

二

院上卽事

看盡閭人面塵容赧自看冠裳爲役苦鷗鷺舊盟寒晚  
鼓聲聲咽秋梧葉葉乾無才追屈宋何恨作衙官

二弟

浚來至寓齋夜談有作

薄宦經年客思稠喜憑燈火話蘇州弟兄且住三間屋  
風雨同聽一夜秋入世誰知溫飽味在官又任古今愁  
何時及爾躬耕去只狎農夫只飯牛

臨平道中

西風吹曉晴一棹到臨平水市菱初老霜畦麥又生來



因迎使節默自動鄉情便唱漁歌去毋兼吏隱名

富陽晚泊

聽盡波聲激水澣船前晚色已迷津隔江遠有攜燈者  
只見燈行不見人

追送前院憲至桐廬晚泊桐君山下

泊舟楓葉落紛紛西去巖灘路乍分遶郭晴波餘落日  
隔江遠岫有歸雲迎新送舊方多事範水模山恐不文  
爲謝閒鷗休笑我此來只算訪桐君

黃小田先生

富民

見過夜談卽席賦贈

伏敵堂詩錄

卷五

三

塵中難遇舊吟朋君忽來談喜不勝老輩深情如此酒  
卑官寒寓若無燈莫嗟東壩連年隔小田係蕪湖人且賞西湖  
一色澄明日蘇堤陪杖履典衣買醉我猶能

送樹人先生追程不及作二詩以歸

公此飄然去山林歸興長無才括兵餉有惠在封疆兩  
浙民膏竭連營兵氣揚如聞羣盜在難用古循良  
期我爲原憲深將德愛人三年欣侍側一字敢言貧此  
日追程遠平生感遇真煙波歸櫂外真待去垂綸

登六和塔

言尋開化寺去登六和塔塔勢卓江天入中盤百匝外  
窺天茫茫吹進風颯颯高攀努足力捫梯警虛踏遂躋  
第七層驚出兩飛鴿目送鷁所之遙見江海合東南地  
盡處吳山越山雜貫以錢塘江與海相吐欲惜不潮時  
來俯觀水所納安能移江山置傍寓中榻使我仰臥看  
寒齋遺殘臘高處語誰聞風鈴一聲答

雲栖

雲栖古道場深藏在竹塢明時沈秀才實作開山祖自  
從達摩來禪學徧中土衍爲南北宗語錄佛所吐蓮池  
伏敵堂詩錄

卷五

四

後千年不傍衆禪戶念佛卽證佛創論無前古其教遂  
大行千里走愚瞽緬彼英特人不爲儒所腐逃儒而入  
釋猶爲彼教主愧我久迷方甘與俗人伍稽首禮真塔  
悲泣動肝腑日落宿僧房不眠聽法鼓

理安寺

塵勞久慰我何處現真性脫身到山中境與內心應茲  
山何其幽落葉封石磴路紆澗上行泉侑靜中聽有亭  
嵌山坳午日照明靚巖翠無定姿昏與竹松映上有巢  
栖禽不驚寺中磬老衲適下山導我入樵徑無人境更



幽得趣心自勝林缺望欄西數家煙火淨長吟招隱篇  
聊寄不盡興遙謝城中人茲遊我爲政

虎跑寺

寺有蘇詩石刻雖本集不載實真迹也

肩輿行十里忽到南山中彎彎入松徑仍達釋子宮聞  
有虎跑泉甘冽靈源鍾挽僧爲煮茗小憩風軒東軒壁  
有遺刻搔首懷坡公昔賢負奇氣不求時相容居杭積  
五歲蘇遺迹處處逢雖云千載隔正與攜手同但疑杖  
履後有否我輩從吟懷若可繼坐盡斜陽紅烏鳥忽投  
林樵唱歸前峰又從暮靄裏去聽南屏鐘

伏敬堂詩錄

卷十五

五

鏡中

笑此昂藏七尺身塞胸奇氣漫輪囷一供聽鼓趨衙用  
全失吟風弄月神塵裏何由超物表鏡中猶喜見吾眞  
鬚眉如此難爲媚請謝巍巍彼大人

庚申

二月十二日在營務處作

二月寒無一日晴天將殺氣薄春城風吹夜雨止還作  
客治軍書愁到明民力儘供官裏用將才偏在賊中生  
憂時事事堪流涕會見東南地盡傾

陷賊後避居僧寺題壁

我殺一賊賊殺我此身小用奚其可欲鏖萬賊決一死  
安得俄招百壯士腰間雄劍三五鳴按之入匣銷其聲  
劍子有志掃狂寇且忍風塵萬里行

城陷後五日出太平門作

吾謀適不用衢巷入刀兵士餒登陣氣民寒保社盟微  
軀堪死旣虐燄正燒城忽鑿凶門出無心慶再生

感事二首

外無勁旅壯連營失策何嘗爲守城戰骨已銷方積毀

伏敵堂詩錄

卷五

六

忠魂應悔肯籌兵卽懲覆轍情堪諒必快私讐論豈平  
我是當時舊從事風前清淚應心傾

記昨登陣議守時見公籌筆苦尋思市人詎忍驅迎敵  
隣境頻勞去乞師不料援兵環壁待若嫌悍賊破城遲  
清波門上孤忠魄 聖主原教例入祠

記二月廿七日於清波門尋得前運司繆南卿先

生梓 忠骸追紀一詩

散盡登陣卒高墉入礮聲早知公必死果見面如生憤  
血衝襟溼忠骸委蛻輕愧非國士報哭送下危城



弔邵笏思

潛名

哭盡親朋作國殤漫逃劫外閱悲涼餘生似我方祈死  
正命如君曷足傷應是夜臺堪避世若論魂氣總歸鄉  
一官不潤書生骨旅瘞吳山歲月長

重作

重作軍從事深知世患真募來兵是賊戰處將無人一  
敗非天意羣公誤 國恩東南天半壁休矣苦吾民

志哀九首

江甯大營潰散賊連陷蘇常嘉松四郡湜家蘇州旣

伏敵堂詩錄

卷五

七

避地葑門外四十里之角直鎮五月初賊黨四出焚  
掠各村幾無免者老親分兩子留守命挈八弟澄冒  
險脫身冀存宗祀從平望賊營後乘夜偷渡道湖州  
以達杭州自絕消息已及三月述所悲痛令八弟書  
之凡得九首

藐身寄大塊修短無百年卽生太平時局促殊可憐况  
茲遭亂離願死恐不先如人作惡夢以醒爲樂焉所嗟  
爲人子臨難違親前何緣獨惜死將期祖脈延祖脈固  
當延父母須安全累我兩仲氏侍奉江村邊負親而避

賊何處生炊煙事有不忍料烽火方連天消息斷復斷  
俄看時序遷揮戈日難卻銜石海莫填吁嗟乎人生不  
如草木賢

昔人去鄉國行有遲遲情今我別庭闈乘夜穿賊營事  
固有緩急機亦判死生安能奉老親犯此巨險行設遇  
賊刃時是將親去攫然吾旣脫險悔不將親迎雖悔不  
可試回首心怦怦恨無拔宅術盡室遊太清致使隔賊  
壤兩地搖心旌兩全事難必獨活心難明卽使兩全活  
無由通一聲荒荒兵氣中屹屹杭州城登城望鄉井賊  
伏敵堂詩錄

卷圭

八

壘何時平

賊據江甯城已閱歲七周誰歟秉軍政擁兵不好謀用  
圖而弗攻日鑿濠與溝濠成內賊困外賊爲分憂內外  
夾攻我一潰軍難收沛然賊東下俄陷三四州可哀哉  
江南地穰財賦稠 國家恃以富歷歲二百秋一朝窟  
豺虎豈獨蒼生愁淼淼吳淞江曲抱空村流賊來四野  
靜何處呼扁舟不如去年死棺衾恒易求吾悲一家事  
方與今生休

種禾江田中潮來敗秋實有子亂離時奉養故不卒記



昨負米歸心痛慘入室前夕隣村燒賊來勢飄忽吾母  
素性剛訓女以死節吾父淡蕩人生理恒守拙羞以衰  
白年流離事行乞命我挈一弟兩口犯險出出者善保  
軀宗祀未宜絕尙有兩子留效死共蓬華是時我有語  
未吐氣先咽欲留非親心欲去是永訣仰天蒼穹頽踣  
地后土裂翻願受賊戕痛以一刀畢有女尙牽衣叱之  
付違恤記茲庚申年五月十五日角直鎮西橋生人作  
死別

妻妾以人合同老斯偕老弟兄同一氣雖多常若少浚

伏菽堂詩錄

卷五

九

弟年四十別時顏面槁力貧勞倍我安得色獨好我生  
親少時渠生亦尙早凡我親苦辛惟渠得深曉浩弟未  
三十志大身差小讀書盼成名兀兀事探討使之冗家  
政不如仲氏了兩弟性皆醇內行不求表臨危勸我去  
自任殉親老別來三閱月生死信俱杳兵氣漲江鄉夢  
魂亦難遶與汝期來生同生永相保不願再爲人且作  
同巢鳥

二百年一亂天道恒如斯三千餘年來我祖屢遇之屢  
遇卒有後血脈危如絲使至今日絕將傷高曾茲高曾

祖父身世癩如飀馳我安能如祖適生乾隆時即使果  
能爾兒孫定逢茲孝慈總有礙浩劫來無期願身化爲  
佛不受輪迴欺又思秦與吳非同時亂離吳亂秦自安  
民物方恬熙及到秦亂日吳下當清夷恨無遁身法來  
往行如飛挽回造化權劫數我不罹妄想到此盡現在  
身終羈卽涉百思想莫解中心悲所幸日月速人壽無  
期願吾年逾四十再無四十暮銜悲能幾時順受甘如  
飴

自達杭州城生理若可延名都殘破後繕守得苟全故

伏敬堂詩錄

卷五

十

人有徐子

名之鑑字仲水

憂我溝壑填爲謀旅人貲計獲錢百

千持錢對之泣是夜愁不眠記我去家日米無三石存

鄉居幸好在易米方需錢以此寄歸家足以飽半年安

能腰纏之騎鶴歸翩翩飛越賊壘上自致親庭前胡爲

坐擁此祇以養孤身艱難生死際浪用知誰愆徒感故

人惠未受錢神憐

在鄉身未死到官迹難匿大帥知我來召令草羽檄分

當力王事隨營誓殺賊所嗟天下局東南壞半壁私爲

朝廷憂小臣口宜默况念此殘生方寸亂已極何心復



作吏覩顏在仕籍廓廓乾坤中幾處免鋒鏑故里旣爲  
墟危邦亦難適甘從道路行處處望鄉國痛哭白日下  
淚添海水溢生爲無家人死作他鄉魄  
澄弟從我來步步同苦辛對泣互相弔兩身如一身此  
外誰骨肉阻絕荒江濱見汝思汝兄思弟因思親思親  
之思我猶我思家人家人共我思心與心相因猶之我  
與汝思家日相循相循不獨己如轉雙車輪肉有化作  
土骨有揚作塵獨此望鄉心雖死長爲魂我欲竟我語  
哽咽難重陳寫作詩九章與汝添悲呻九詩合陽數還  
伏敵堂詩錄

卷五

七

望廵陽春

七月廿五日同八弟渡江作

遲行爲去父母國多難彌知兄弟情尙喜同舟餘骨肉  
卻投何處避刀兵潮來地軸如將動世亂天心獨不驚  
到得西興回首看杭州一角是愁城

八月十五夜永嘉縣席上呈陳子餘

寶善

一歲中秋卽日過卻思去歲滂滂沱境同隔世惟身在  
醉更傷懷奈酒何亂後交情君獨厚客中生趣我無多  
明朝遠上江心寺目極家鄉渺渺波

梁谿友人索題萬柳溪圖

江南天地日傾覆，况說區區萬柳溪。一紙圖來雙淚落，

恕予拈筆不能題。

辛酉

上年冬十一月在温州聞本生父母在家殉難之訃，茲年在降服中無詩是冬温州多事又避地至關

壬戌

壬戌元日登烏石山歸後有作三首

餘生悲故里，同治紀元年。亂到心中地，晴看意外天。蒼  
茫窮海上，淒冷早春前。何處堪容哭，將聲達下泉。

烏石山還在，登高感若何。尙餘殘骨肉，相望總兵戈。穿

伏敵堂詩錄

卷五

十一

眼同懷信當頭獨，鳥過便書一片石。鐫恨此巖阿

兩載東南事，孤身顛沛形。泣應無血繼，死亦已心經。謂

有餘年福，誰看枯樹青。酒杯吾負汝，世事醉還聽。

感事之一

蓋臣昨歲登陴死，修怨彈章敢上聞。一朏孤城同覆轍，  
更將全局付浮雲。不留地下相逢地，孰負君恩好問  
君。浙水若知公道在，洗冤流毒總須分。

奉懷彭表丈三首

國步艱時白髮新，避權政府試抽身。恰當大海迴瀾處，



自作中流砥柱人清白有名歸物望倉黃無恙慰情親  
還憐宏濟紆籌策日爲江南一愴神

兩家先隴共青山老屋同焚一里間引疾公無歸去路  
奔喪我亦夢中還百年姻婭傷心極萬里烽煙聚首艱  
爲報餘生仍海嶠正依南斗哭鄉關

卽此全閩橐筆從衡文對酒早成空記從幕席陪高論  
已怪輜軒有變風自史冊來多事在半天下亂十年中  
遭時公老吾逾壯不論窮通總是窮

雪樵丈屬按詩集題此奉正

伏敵堂詩錄

卷五

三

不死重相見君詩編輯成猶能來卒讀差足慰餘生滄  
海留文字乾坤儘甲兵千篇持自壽獨享有誰爭

懷子餘四首

兩年兄事我患難見交深不克視猶弟能無愧此心賊  
邊揮手別夢裏脫身尋見爾冬來瘦危城守至今

城以一人堅團防百諾前官知守此地民自戴爲天臺

使夫何怒輿情殊可憐顛留永嘉縣的的說無錢

此有近事

台虛全淪沒温州在下游賊營愁壓境匪艇易乘流將

怯可危極兵飢得飽否好官吾好友勿與地同休

久怪無書至今聞有信來果因勞得疾苦與世呈才報  
國原賢者營身任彼哉相思聽近事吾道足悲哀

立春日作二首

故里誰頒厯他鄉知立春竟非同覆載能不愴心神劫  
早灰吳市歸難桴海津夢中來戚友敢信是生人  
如能銜木石先築望鄉臺枯眼淚還墮斷腸吟更哀天  
倫生處缺鬼趣死前來卻道寒梅動春從地底回

春朝見雪陳叔安

字

又有詩同韻一首

殺氣東南重恆寒已數年向來無雪地吹落早春天憂  
伏敵堂詩錄

卷五

四

世吾儕切籌兵大吏賢毋因佞者賀稱瑞漫開筵

有友人不見數日云閉戶飲酒已盡四大罌蓋數

千杯矣詩以美之

聞君閉戶半旬內酣飲俄空酒數罌罌臥君齋同醉倒  
君遊酒國以仙名杯中自達桃源路眼底誰看草澤清  
正使腐腸休怕死吾今難在醒而生

同前韻一首代友人答

四海無家身也輕直須痛飲對刀兵詩人自古經離亂  
酒國何年不太平天亦醉來忘此世君偏醒看若爲情



倘能從我糟邱上同逐劉伶抗手行

爲雪樵丈詠冠

雪翁所戴冠尙係大挑得官時所製戲爲詠云

輸人彈得好挂去太無端身計漫爲吏儒名并誤冠絕  
纓禁幾笑簪筆是何官尙喜頭皮在留將共歲寒

東叔安丈卽效其體

詩來手墨行行溼只是吟聲不得聞鄰近數家堪結社  
窮休百事且論文并無長鋏應憐我正有高軒不過君  
見面若談天下計兩人同病又同醺

伏敵堂詩錄

卷五

贈丁鐵海

嘉珊

五

丁君酒膽大於斗萬賊叢中醉且走賊欲殺之亦不能  
食籍尙餘千甕酒君今脫身來七閩眼中無賊飲益神  
值君轟醉入君座酒氣出口能醺人君言昔走賊營過  
賊礮擊城見城破醉中礮如爆竹聲是夜斡躡虎窟臥  
醉者天全理不誣惜此酒膽吾所無問君借取向前去  
徑穿賊境歸東吳

將有螺洲之行雪樵丈有詩惜別呈同韻二首並

東叔翁

回首平生敢激昂呼僮草草辦行裝最難素譚勞心後  
尙爲緇衣適館忙溝壑未填逢一飯兒童相待要同堂  
因思歸作村夫子夢裏家鄉太渺茫

不用城南造酒樓吾今對酒淚先流但能海上支高枕  
且在田間伴故侯老友情深仍惜別滄洲天濶倘消愁  
茫然慰藉吾儕處他日詩名潤髑髏

送弢叔至螺洲授經

符兆綸

爲謝雲山應接忙生涯棲息兩無妨卻憐縛帚除花  
徑猶待題詩寄草堂骨肉飄零多難日圖書觸撥故  
伏菟堂詩錄 卷五

大

家香十年拋棄儒冠服及此青鐙味再嘗

放下江湖數宦遊多時亭亦築三休也曾歧路逢青  
眼未必還山許白頭位置并無徐穉榻漂搖纔有李  
膺舟的知輸與糟邱董爲爾城南造酒樓

送弢叔授經陳氏山館

陳宇

又攜硯席入山深不外精神倚樹吟消息三冬無暖  
氣低昂千古獨寒心於今草長要離塚何日花繁鄧  
尉林尙喜陳蕃能下榻天涯應見淚霑襟  
經袖重拈酒一樽席間請業道逾尊風塵戎馬知何



地雞犬圖書別有村世事蒼黃難避迹詩情險易總  
銷魂最愁奉筆懷人久翻被尋常誤叩門

上元月夜訪梁禮堂作

悲懷遇節感難勝合避歡場覓舊朋故里荒煙同此夕  
君家明月好於燈客來人與書爭座話久歸如路蹋冰  
只算餘生爲太乙照他劉向記吾曾

答謝枚如見贈卽以送別

恨人此日屬流離彩筆探懷漸不奇舊是江郎傳有賦  
新交謝客最能詩卽看着屐留詩別又我銷魂作賦時  
伏敵室詩錄卷五  
越嶺溪行無限好囊中山水想方滋

七

原作

謝章铤

已是十年思一見每從劉向話高名

余同年炯甫盛稱君那知

烽火流離日忽有雲龍上下情天地倘容吾輩活文

章肯傍古人行蕭蕭江水圍孤館

君將至螺江

透夜應難

百感平

馬子翊

凌霄

劉贊軒

勳

招遊小西湖

此身願作西湖長今日杭州去路無難得眼前朋友意  
若將償以小西湖

小西湖作示同遊諸君

但取閒行寫客愁，城隅有水卽滄洲。  
鴨欄淺草依耕舍，魚蕪涼波動釣舟。  
似我西湖無奈小，想他夏日亦如秋。  
六橋三竺今何若，淚灑南天弔舊遊。  
福州避地又今年，回首杭州正黯然。  
漫憶西湖有煙水，不知南戒失山川。  
眼中地主詩人社，意外天涯酒客筵。  
珍重風光休再負，名區多少入烽煙。

得彭芍亭表弟

祖賢書

感君摯誼如兄弟，遠託鄉人訪死生。  
亂後來書初入手，

伏敵堂詩錄

卷五

六

封時累歎若聞聲，一家我哭乾坤窄。  
半壁誰戡盜賊平，爲報鮮民虛負土。  
春風灑血越王城。

梅花盛開鐵海招，飲寓齋至則雪樵丈先在詩已

成矣和此奉正

閒門開爲玩芳辰，一樹當階自速賓。  
我本孤山訪梅客，來逢同座詠花人。  
因詩得罰難辭酒，不醉先悲更負春。  
正憶昔年攀折處，巢居閣已陷風塵。

聽熊旭初琴二首

故人楊元潔最精琴事，陷賊後疑其死矣。

鏗然戈甲外，忽此夜聞琴。  
我以哀心感君爲妙手，吟曲



中聲欲變窓外月先沈何處山空寂容予避世深

憶我楊山彥

元潔又號山彥

平生此藝工兵塵斷消息滄海感

絲桐果爾抱琴死凜然爲鬼雄沈沈幾關塞茲夕夢應

通

與八弟小別二首

汝兄隔烽火消息幾時來復與汝爲別能毋情益哀兩  
年同涕淚九死歷凶災忽此城門阻鄉心各自回  
攜手歸何處殊方且寄身聯牀亦慘戚歧路更悲辛話  
只期相見情難對好春讀書經難後應慮損精神

伏敵堂詩錄

卷五

九

輓陳少香丈三首

扶病猶勞慰故人

前承贈詩有相逢疑幻復疑真扶病驚看來故人之句

相逢旋

別訃旋聞能留暮景如期我卻累餘生要哭君眼看世  
間方用武心疑地下獨修文一棺掩後蒼茫極海上低  
空有斷雲

如君窮亦古來稀七十老翁學忍飢亂後閨人無蓋篋

春來子舍典斑衣一官早隔前塵斷三徑豈知歸計非

終作天南羈旅魄他生好戀釣魚磯

相識兵端未動前十年離聚幾詩篇東南漸亂君方老

歲月猶多我自憐不死更看何世界儘窮終算盡天年  
在鄉在客同黃土清故詩人要墓阡

十一日予來螺洲少香丈卽以是日下世感歎復

作

我只出城君下世理應我去送君行缺爲面別經時恨  
輒有悲歌一慟成後死也知無活計來生更勿以詩鳴  
客中送客嘗多感況此幽明永訣情

小齋

縱橫十笏地窓几喜無塵如入佛龕坐好爲泥塑人東  
俠敵堂詩錄

卷圭

三

南方蹙國江海絕通津休厭書齋小先生且寄身

我今二首

仙人不死方我今不願得得之以長生銜悲更何極  
西方極樂國我今不願徃徃則回頭時東方卹忍想

靜修詩

昔陷杭城時生死呼吸間雨塗走破踵避賊投無門尙  
記橫河橋古廟朱兩閣半開得闖入一僧寒鴟蹲示以  
急難狀情迫詞云云僧爲惻然涕飯我開小軒佛廬數  
椽外寂寂唯荒園是夜天正黑雨重燈窓昏園中嘯新



鬼什佰啼煩冤歎聲獨雄厲知是忠烈魂昨收繆公屍  
徧體叢刀痕在官受其知時又參其軍悲來激肝肺不  
忍身獨存佛後有伏梁可懸七尺身是我畢命處姓字  
題於紳不虞僧早覺怪我倉皇神尾至見所爲大呼仍  
怒填問有父母耶胡爲忘其親勿死以待乘隙冀脫  
奔猶可脫而死徒死冤難伸百端開我懷相守至朝暉  
遂同匿三日幸出城之闔僧前我則後徒步同勞辛道  
聞杭州復收悲稍歡欣僧還我獨去分手鴛湖濱我歸  
見親面先將此事陳我親便遙拜感此僧之仁曰汝一  
伏菽堂詩錄

卷五

三

日生是僧一日恩他年莫忘報屢誠詞諄諄豈知不數  
月蘇州隨陷淪在逃哭慘訃久阻歸築墳親恩抱深痛  
他恩何足論荏苒二年來轉徙今到閩又聞杭州破餓  
死十萬民我於萬民中念此僧一人憶昔於汝飯見汝  
徹骨貧安有圍城內能繼饔與食早欲裹飯去千里迷  
兵塵昨宵忽夢見破衲嗟懸鶉疑汝未卽死竄身在荆  
榛古人感一飯重義如千鈞况於兵火際救死出險屯  
何當遠尋汝相挈同昏晨終身與供養如汝奉世尊慘  
慘吳越天擾擾盜賊羣此懷焉能果負負心空捫豈惟

負汝德并負親之言作詩誌悲痛字向心中鐫汝名曰  
靜修杭人俗姓秦書此埃有後遞告子若孫

感憶四首

靜修之外復有感憶無間存歿并不區貴賤各三十韻共四首云

朱述之先生

諱緒曾浙江候補知府江蘇上元人

浙中官累千塞破杭州城問誰能讀書獨推朱先生先  
生大雅材宰縣有廉名惟性好鉛槧不工承與迎上官  
見爲迂祗用參文衡先生亦恬淡羞與貲郎爭寓廬車  
馬絕交我時忘形百過亦不厭爲愛書數楹我於杭亂  
後重到疎人情先生走相覓邀佳同寒廳忽出一書授

伏菽堂詩錄

卷五

五

呼我使眼明日汝之詩集所幸手繕精土匪向市賣市  
賈貧微贏我見得購還首尾無飄零嗟我遘兵旣叢書  
棄兩簾詩編賴公收感極惟心銘可憐賊過後庖舍餘  
空罌先生炊欲斷忍以三口并因遂束裝別忽忽寒暑  
更是冬在温州客有來避兵傳說先生死襯在山陰停  
縣官具含殮孥累方零丁不知爲何事作此東浙行茫  
然隔烽火慟哭徒失聲惟念先生書百卷初輯成金陵  
續文獻定海編圖經先生未刻書有金陵詩徵昌國州志各數十卷昔曾諾爲  
序見插一架盈此時合散佚浩劫銷精英安能去收取



藏弄埃太平聊報一事德并以慰幽靈

徐仲水

名之鑑浙江題補錢塘縣知縣貴州開泰人

仲水美少年風流事君展大吏采英聲試才任以劇我  
愛而規之慮其進太亟西湖兩同遊後亦不時覲豈知  
患難中向人肝膽赤憐我并破家爲我急籌策因緣得  
生機倚仗出死力適有見擠者蜚語巧乘厄君於廣衆  
中詢之使語塞因亦爲人排而君不暇惜時我百物盡  
詩稿忽收得君曰此當傳誓將爲刊刻君時亦良窘十  
口衣食窄一笑漫應之豈敢爲君責明春我在溫遣使

伏敵堂詩錄

卷五

三

到我側書云宰東陽山縣極幽僻已召劄劄工所言踐  
疇昔請兄自刪存授使以全冊留使且編詩十日手初  
釋忽聞婺城陷東陽賊已逼此事自當休勸君急守阨  
使還書不來兩月斷消息後聞人代君東陽旋陷賊惟  
思君去官何地得所擇兩浙旣全淪三吳未果克徧地  
着網羅浮生恐一擲今春在閩中避難來越客內有識  
君者見君上海船滬瀆與天津不知果安適四海未重  
逢一生永相憶

章金幹而腹朱升駮而馴二僕各廿歲出入長短均朱  
升性稍懶無能偏怨貧章金謹事我其願時自陳望我  
作州縣而彼爲司闈章金固差強不與朱升倫遂時闈  
口舌使我生怒嗔雖怒亦不逐兩訶而俱存迨賊圍杭  
時二僕常隨身念渠有父母聽去方爲仁從容諭之意  
並與三笏銀豈知各願留涕泣見性真是時營務劇草  
檄夜達晨二僕亦廢睡執燭忘欠伸直至城破日隨我  
倉皇奔路隅走相失生死遂不聞及我重到杭章金先  
來云被賊擄入山逃回甫一句朱升亦繼至頸有刀傷  
伏敵堂詩錄

卷五

五

痕我窮旣赤立衣食難推分勉留使息養隨事同憂擢  
二僕忽相好結盟爲弟昆相隨復三月而我獨赴温自  
我到温後隔絕兵戈塵前聞越州陷二僕皆越人觀其  
事主意終保爲良民斯世方鬻官儂薄參簪紳彼僕獨  
長厚履險生忠勤愧我有何德致此夫何因思之亦作  
詩不以貴賤論

陳樹南丈

諱杞江蘇  
江甯人

在杭徐仲水在温陳子餘平生患難交古人有不如子  
餘兄事我館我備百需其叔樹南翁關愛尤勤飭翁家



江甯城陷自咸豐初時談破家狀簌簌老淚俱推情乃  
憫我慰勸時喁喁及我得凶訃邁慘古昔無翁聞急走  
信駭愕相持扶恐我竟昏迷不去朝至晡遂爲製衰經  
舉哀借僧廬始終見矜恤古誼敦薄夫明年春和時翁  
思山水娛見我日哀戚示以雁蕩圖遂拉同徧遊龍湫  
與雁湖記宿靈峰洞在山慨世途翁欲葺一庵留伴僧  
之孤此懷惜不遂歸後秋夏徂變生隣縣賊入郡來吞  
屠署深官在鄉倉卒非所虞踰垣我僅免翁竟非命殂  
伏屍爲一慟清血露衣袂可憐昨夕飯同席猶相呼嗚  
伏敵堂詩錄

卷五

五

呼兵亂來天以人爲芻斬刈到仁善同禍無別殊吾親  
鄉里望萬口推醇儒千善不報一遇賊仍捐軀卽如翁  
爲人恂恂而和愉深情恤我喪豈非仁者徒眼觀此慘  
酷天道如是夫

附錄

書江叟叔伏敵堂詩錄後

江南畸人浙江小官余兄事者長洲江叟叔叟叔來吾浙歲在丁巳余知叟叔來以戊午溧陽師之稱屬吏才者故知之辛酉余客温州瑞安過永嘉始見叟叔始讀叟叔詩叟叔方居憂止詩旣旦夕見又聞所論說叟叔之言曰辭章者人之元氣若狀貌情性聲息嗜好一人具一象一象自具一體同非具具亦非異毋依坳毋假借今文士必薄辭章詡問學必右宋左漢夫窮年累世伏敵堂詩錄

附錄

一

旁引曲證之事壽命長家富藏書多良師友商榷皆成之不如言性取心得弟主程朱奴陸王竊機鋒而造門戶爭者百出轉說轉遠心得曷恃終不如辭章四千三百年中辭章有傳不傳獨立者貴天地極大多人說總盡獨立難索難求立能立見獨其成弗可及已余無以折之私印叟叔之詩亦不負也余四歲授書於里塾師得章句十三歲以前自讀宋五子書求性道十四歲棄之爲辭章之學二十歲又棄之爲攷證之學學於溧陽師師教學不薄辭章不右宋不左漢主於有用師以余



爲可用日令讀律例視簿書訪求遺聞故事攷載記按  
圖籍識古法以準今時徵成敗利鈍之故觀斟酌變通  
之幾凡七八年新無成舊則盡棄然生當多事奔走危  
難出生入死厯奇窮孤憤積感大哀以百十計閱大忠  
信僞言行任俠者坐死模稜者存身辟險怪誕之真牢  
籠操縱之法及夤緣逢迎無所不至之術以千萬計盛  
德之士振奇之人口不欺心心不欺人是善是惡盡已  
以止者歲或不一遇暴貴驟貧迂儒市僧敗軍老吏顛  
僧節丐庸妄男子月必數十遇其行事求經不得比史  
伏敵堂詩錄

附錄

二

不得尋之小說家且不得其言論非皇古非輓近儒無  
是入之佛佛無是問之道道無是推而遠之至於域外  
如夷說耶穌新舊詔希臘臘頂書仍無是四千三百年  
中事日積日出不可思議其可心得余得傲叟叔者有  
此余三十三歲前屢作屢棄積稿已數十册留於家家  
鄉陷賊妻女死徙今當無贖字一身自存飄泊海隅窮  
餓待斃日力復不閒溝壑立轉心口手皆累溧陽師及  
王事死猶受劾遺集不知己刻否叟叔詩庚申杭州陷  
棄賊中賊退述之朱先生買以歸辛酉將寄東陽聞變

而止其年八月平陽逆衆犯温州入郡城劫官署做衣  
垢履盡取去詩無恙十月初叟叔赴福州十二月余亦  
航海至過叟叔詩刻已半矣余謂叟叔文字之既盜賊  
忘者水火收者盜賊過水火宥卽不磨滅處在焉今年  
三月叟叔刻詩成爲之喜爲叟叔喜有且爲余喜無迺  
書兩人平昔言卷後告異日讀叟叔詩者說宗旨無阿  
私同治壬戌四月會稽弟趙之謙

叟叔詩刻成題卷後卽贈

符兆綸

忍佳飢寒尙賦詩天涯相見此何時豈惟吳越憂方大  
伏敵堂詩錄 附錄 三

遂恐東南勢不支萬種愁深聊自寫千秋事重與誰期  
眼看如此平生了尊酒逢場且莫辭



